

韓石齋詩集

卷四十二至卷四十九



07285

韓石齋詩集卷四十二

平陽

馬頭今日是清明蝴蝶團飛早向城稽古帝堯勳獨至惟天  
為大又何名藐姑未必神人住蒼頡翻愁鳥跡生遷史紛然  
如衛霍那無娘子一軍行

清明夜史村

驛騎數上聲春節村花忘老顏汾東十三社月晦太平關紅蠟  
高如許黃河近幾灣未應紛古意政不夢家山

曲沃

曲沃強于晉成師賂入周驪姬殺太子重耳得諸侯地險新  
田錯家抗之險天山圍二水流背汾曾無無父國乃亦見春秋

韓石齋詩集卷四十二

聞喜二賢詩

裴文忠公

虞官伯益後漢封菑鄉云從衣乃除邑東眷代有聞輔唐晉  
公鉅平蔡元和勳非惟平蔡勳安危天下身君子本不黨嘗  
敗於小人秦交勿之睽大來安得屯于木處魏邦諸侯息紛  
紜汲黯在朝廷淮南寢逡巡頗牧苟不用何必非孝文公誠  
出入屢四朝艱以純擅威方闡豎綠野持孤尊北門雖卧護  
焉能復經綸方其請督戰誓不與賊存庶乎郭汾陽秉德維  
忠勤

趙忠簡公

天心莫可憑運屯亦登賢用之輒不竟虛生有煩寃維時渡  
江初頗嘗用其言肅宗得李勉實見朝廷尊紹述祖安石釀

秀水錢書載巖坤  
齊東野語  
讀書山房

成今日患首罷安石配吾道乃大存經營始西蜀關中圖本  
根荆襄可進取行闕宜公安雖知用卿力邨弗終君恩救浚  
再忤檜一出膺多艱餘生白首遠九死丹心陳山河壯其氣  
箕尾歸于天裴鄉接趙里樹接仍枝連春風兩家樹春樹一  
墟烟故知裴趙先皆出伯益孫嬴秦與趙宋功烈猶同原

僕馬

僕馬復僕馬我心聊自閒行來絳縣水望見中條山喔喔雞  
聲午垂垂柳色寒近城忽簫鼓賽社未曾還

上已樊橋驛有懷朱學使筠閣中

麥苗菜花雜黃隴綠畦繁上巳日催騎中條山映村伊州塵  
短拍汾水謝深尊禊事城南侶遙應品壑源

將渡河入關承祭西岳預日齋祓

村花

堯石齋詩集卷四十二

二

村村官柳着烟新樹樹村花夾路春半日中條山色裏白頭  
騎馬是遊人

蒲州

縹緲薰風何處臺汾陰后土亦荒哉維南太華三峰倚自北  
黃河九曲來鶴雀樓高春幾劫王官谷靜瀑如雷蒲州合爲  
潼關守犄角方成用險才

首陽山

首陽卽雷首我行自河東相望華岳北實在河曲中以暴不  
知非此都讓德崇偕登餓其下廟火春猶紅商郊彼鷹揚歸  
來跡則同徒聞稱義士豈不慚于衷伯清叔亦仁元祖爵以  
公雷首卽中條曠然百世風

潼關

羸劉函谷兩無何改設唐年理則那縱仗兵家籌髮鬪難憑  
關勢壓嵯峨手障全陝通西蜀目瞰中原阻大河勝敗英雄  
同一險蒼蒼在德不爭多明孫傳庭之失守  
與唐哥舒翰同

### 華陰

入關紫氣藹高晴龍靈雙

御仗行

天子萬年文敬告春風三月道歡迎地祇山水由尊肇軒帝  
壇場暨後巖仰觀華峰真削出崑崙初拔勢崢嶸

### 西岳廟登樓望岳

晨入岳廟習禮專代將牲帛惟其虔 昭修靈宮聖未旣漢

熹八年西嶽華山  
廟碑宮曰集靈

層樓翼鳳高翔然三峰屏立照几案四方削成  
凝翠烟畫圖王履不具體豈若橫放樓之前太極巍居擅白

### 摩石齋詩集卷四十二

三

帝五行配德開金天船司空趨玉漿落司寇冠整明星連尹

喜真符故宅守希夷石洞先生眠歐記題名凡幾百幢懸編  
仄苔花邊無輕攬結五千仞已後飛騰二十年山中人來縣

城去一日上下南峰顛南峰  
最高

皇釐三多岳稽首降香詰旦昭蓀荃周槐商柏徧嘉蔭題石

何讓顏程先廟有商柏抱周槐于腹大可三十圍其漢柏唐槐至多唐元宗  
碑爲黃巢焚摧巨石半截積立僅存四字之半顏真卿題名于

漢碑側宋程琳葉清臣  
題名八角石幢致佳

### 玉泉院

初日出華陰十里鋪春田峰頭瀉玉漿谷口匯碧泉墜驢人  
已去睡洞泉方濺無憂七株樹手植知何年蓀亭立泉上四  
株覆亭前我本無所憂坐對亭適然近泉元祐字灑墨大石  
鐫東厓秦柏翠葉嫩柯交纏量之數十圍實在無憂先盤陀

設苦若豈不如癩仙

陝西鹽運副使游師雄元祐九年正月廿二日觀太華三峰大字刻大石上

登華山至青柯坪望千尺幢

自觀王履圖五岳此粗悉清霄綠霧歛三峰純石一石縫土積塵居然草纖苗如是七千丈四方周崒翠希夷崖又蛻初平谷既叱垂鎖下上攀輕於船挽綵羅卽菩提獨立意歛密青柯館深造十八盤險出青鐵削西峰山半衆非匹壁懸野生桃左右矯風日孤幢儼以招雙屐不余尼怙悵玉井蓮修葺颺芳苾

郭忠武王祠

喬林大道古城東祠屋巍然塑合公唐室山河憑再造建陵松柏表元功門前華岳流雲碧檐北潼關返照紅太息百年無尙父宦官藩鎮竟相終

韓石齋詩集卷四十二

四

寇忠愍公祠

功業汾陽只等閒嗟公憂國髯雙斑君恩鬱鬱通天帶里社青青少華山魏野有詩傳北使竹林遺廟向人間靖康若主澶淵策何至蒙塵遂不還

華州食筍

華山百村遠敷水一春深馬首半梨樹州南多竹林筍香聞驛舍茶事趣歸心激上讀書處蕭蕭橫卷森

蒲城

唐之奉先縣城徙里不更洛水左澗洄神原右崢嶸巖巒擁其後園寢唐是營盤翥比龍鳳樓殿遺枯荆橋陵金幟山聳若懸旆旌德讓曰惠陵元宗實惟兄泰陵金粟堆初願千秋成陪葬高力士無及一娥姪景陵春草綠豐山朝旭明尙傳

開寶修未泐趙孚銘元和中興主所以龍章行石人整冠佩  
石馬騰纒纒三朝遡哀冊頽縉楚則名睿宗哀冊文蘇頌撰元宗哀冊文王縉撰憲宗哀冊文令  
孤遷迤近光陵前有重山橫寒烟五陵曳碧落羣峰撐長安  
久禾黍愴嘆非周京

富平

夏后荆山鼎秦家鄭國渠迢迢遡西北暖暖入村墟麥縛中  
谿澗梨香萬密踈華原來杜甫值水定何如北即耀州工部詩我  
川氣黃羣流會空曲度今沮漆合流大谿澗處

晚次耀州

殺翎城西日下春范公書院客相從曲池短釣萍初合新筍  
空階蘚半封簷掃蜘蛛憐獨結欄扶芍藥咒遲穠待人翟道  
廻鞭近破戒何妨勸玉鍾

攜石齋詩集卷四十二

五

同官

華原草相綠幽土近于東澗谷好今日盤旋娛此翁桃花初  
帶雨漆樹遠含風遺烈聞姜女崩城話却同

金鎖關

銅官山夾水獨流兩成轅去金同是稱據險城惟舊曉霽風  
色厲氣寒花信逗路隨崖數盤人與地俱瘦土門出以遙金  
鎖扼其腠重山廻合阻神水峽奔溜壁開實峰闔拒左仍塞  
右在明嘉靖年築設防套寇承平武備嚴依柳列雙堠邊塞  
極榆林襟喉此駕鬻度關山轉幽穿隘石多秀征人詫園林  
造物耽架構橫斜石陔對屈曲石泉漱高凌皴法奇疊起雲  
根皴臺石俯石池徑石窺石竇奈何叢石蕪上下雜花糅野  
桃必長石石石爲之繡更前巖益蒼欲采萼難就甚宜適行

遊詎可煩戰鬪趨口少寬舒環岡無隙漏折北乃破礮匆匆  
劃華陋

宜君晚雪

曾是苻堅郡莽然環慶鄰山高行未已風急渺相親彭祖墓  
雲碧玉華宮草春花時今夜雪關外白頭人

橋山篇

皇古君相皆神人神人之道無不有但施神力葬神山只在  
人寰元不朽子午嶺北西山連亘千餘里延慶間華蓋峰東  
下乃峽峽石如橋左右穿橋南起山名所自山體如岳純無  
頑羣山雙分左右肩四周平頂圓如環重山內向石疊趾正  
對玉案橫蒼灣橋山三面灣緣延重山三面灣盤旋沮水右  
肩落于灣山南鈎曲東弓彎豈知早入峽橋出左抱逆會東

獲石齋詩集卷四十二

六

來湍左肩落水再東抱合流入洛迴長川橋山無石翠阜巔  
阜前廣衍平如原元宮中央土冢起南偏土臺百尺攀山上  
疊山山翠柏更前土臺稍東偏西坳置縣若守冢城在山內  
灣猶寬風昌宇朗數百里靈棲宅寧半萬年帝繼羲農三聖  
作化闡陰陽萬生先宮室衣裳器用備甲子書契伶倫宣師  
兵榮衛厥赫赫得姓十四今縣縣神道設教聖所以聖所不  
語神無傳帝生十二始在位百年而崩葬橋山且戰且仙紛  
世俗鑄鼎鑄鏡難更僕有之子神復何奇無之子聖非不足  
老君汝祖尊太上元女道家托符籙帝生坊州近鄉里相度  
羣臣實藏此皇古神人皆聖人自古聖人無不死羣山環拱  
此神山一水循環此神水衣冠之葬誰謂然漢皇臨祭方求  
仙東封西祀仙必得自爾不死當昇天區中靈域緬無二稽

首敬賦橋山篇

回自中部至宜君

軒后廟庭柏翠陰皇古年踟躕人已送躑躅馬休鞭短樹山頭縣長城塞上天雖經米脂賊長養自炊烟

交茂夙傳黃帝時物

黃帝廟中古柏十餘其一圍可三丈柯葉

宿金鎖關

百里兩崖壁幽花春二三高看時倒影晚度已重嵐戍冷迎官住泉鳴引夢耽山郵足深致我僕也能談

山驛

山驛東風暖復寒使旌二月出長安蕭蕭金鎖關南返艷艷丁香樹子看身被恩光行更遠老知春事得尤難

七句

摩石齋詩集卷四十二

七

萬壽敷天慶巖谷幽姿總笑歡

題耀州紫藤花

翟道歸來問牡丹小橋流水足盤桓山城是月猶飄雪穀雨今朝未放寒狂蔓紛垂寶瓔珞畫檐低覆曲闌干髻絲儘伴天涯客著處丁寧欲別難

唐朱里

秦縣池陽谷唐陵白鹿原馬飢頻斃草鴉倦亦歸村客豈張司業居非李氏園紫荊花下石綠映一叢萱

涇陽

長陵東以迥白水北其隈小市喧喧出石橋荒墟寂寂回勳名故物記戰鬪赫連臺瓠白春流駛咸陽落照開

渡涇

昔人事業總蒿萊秦地興亡觸目哀  
一夕嗟峨山下夢曉風  
燈火渡涇來

渡渭

長陵突兀畢原通渭水無情日向東  
東內花開西內落花飛  
南內見唐宮

霸陵

霸陵不治墳陵號就水爲峰起土無石  
霸流環自回古柏大  
數株其一數十圍陵戶亦種麥高下成青  
陂瓦器戒無飾民  
力省不疲合葬竇太后神靈長在茲  
南山拓下苑碧落明丹  
曦翩來鳳凰嘴白鹿原逶迤南陵薄  
太后近在陵西涯于東  
望吾子靜夜神靈怡

杜陵

韋石齋詩集卷四十二

八

帝在民間時好作鄠杜遊元年杜東原治陵  
良有由正方六十畝據原原四周守陵多貴族  
陪葬數十邱東園王皇后同陵近東陬許后實  
先崩小陵杜南頭是曰少陵原相隔中青疇  
杜陵旣萬歲少陵亦千秋麥苗遶原縟花樹映  
麥稠村低午雞靜鎮小炊烟浮遂合唐杜甫陵  
後家居幽野老稱杜陵少陵號長留

興善寺牡丹

今朝眞是到城南特地開皇叩佛龕  
葉綠苞紅催宿雨松邊柏下現優曇  
不離富貴高原五別有闌干好月三  
愁絕匆匆勸杯酒舊人奚取值何堪

樂遊原

望望城南與杜中高原漠漠曉濛濛  
寧申岐薛亭臺里車馬

衣裳士女風朱雀街穿池水綠紫雲樓倚杏花紅情知不及  
深盃醉帽影鞭絲雁塔東

慈恩寺登塔

暮春寺裏遊牡丹院後香遂觀諸題名塔門石兩牆綠梯佛  
相靜倚檻朝暉昌白髮百年少青天千里長南山衡嶽翠渭  
水北湯湯貫都象天漢何許秦咸陽金人既十二木蘭復阿  
房漢家司馬門長樂連未央其間樗里墓此際槐陰蒼漠漠  
六坡隋鬱鬱三內唐杜國今杜曲周邦昔周王鎬京始豐廟  
江漢被汝旁商詩作周風浩衍和氣翔後來稱唐太猶尙媿  
成康生民有治亂聖智難備防東遷豈無那委秦以舊疆乃  
包函谷關乃收六國強生民自茲慘山水如相忘八川湊淼  
淼兩戒分茫茫欲下少陵原東風吹我裳

韋石齋詩集卷四十二

九

韋曲

村口問村名答云此韋曲藹然唐世人昔者城南俗鴻固原  
何高皇子陂相屬西爲第五橋南有樊川綠朱門皇后家別  
業逍遙躅午煙桃塢殘宿雨麥畦緝藤枝石角稀亂水垂楊  
足居非韓鄭隣土似塔坡沃杜曲猶在東春行莫能局

牛頭寺

韋曲東復東水來自樊川云云引清溝活活分平田蹶蹶動  
蔭坡馬嬉不復鞭遂上牛頭寺南見神禾原樊川在南下支  
流過坡前望望杏花坪漠漠錫簫天坡東祠少陵寺建由貞  
元仿蜀牛頭山如客鄴縣年高窗啜茗坐老僧爲我言原仍  
鴻固舊曲與杜陵連我昨霸陵回實行下杜間南杜水長草  
北杜花明烟鮑陂迤西處朱陂牧之篇老嬾且深憩靜對終

南山

尋曲江已無水江之西杏園亦莫知其處

廣陵江幾曲龍華尼寺南已過中元節纔當上巳三學士綵  
舟動教坊繁吹酣玉樓金殿影向晚波光涵杏園榜下宴曲  
江亭子占金輿亦臨觀玉面皆垂簾杏花風是杏探花使誰  
探開元天寶春駿馬園頭快女郎舊時折為水何人諳岸西  
東不見細草還纖纖鄭谷曲江紅杏句女郎折得殷勤看道是春風及第  
流白居易曲江  
句細草岸西東

宣陽坊

繡嶺東西總不凡韋家燕子尙呢喃主人欲問從容甚步輦

黃羅曳帔衫

畢原篇

華石齋詩集卷四十二

十

畢原西可三百里南涇北渭兩水夾東注臨潼口始交九嶷  
麓趨原廣狹王季都之封畢公文王葬畢西于豐上祭于畢  
太子發成王元年武王之葬同原今咸陽縣北中維原高平  
靈氣充文明之象魏元宮文王前武王後康王左成王右四  
陵密邇十里間原無一石土隆阜文陵左可二百餘步乃葬  
周太師留為太師死葬茲又左周公冢稍大必葬成周公心  
不敢成王離王亦讓公葬于畢以從文王小子不敢臣公敬  
且悲伯禽墓亦後公墓如文武陵協孝慈公墓模木已無枝  
公墓如文生草著文陵頂平極方大武陵頂起圓其外成康  
陵衡坦適均背涇面渭春陽藹嗚呼橋山天造神力乘畢原  
地脉天心憑原之東下漢長陵原之餘氣猶烝騰維九嶷來  
崆峒涇出崆峒渭出烏鼠兩水夾原以趨東畢原萬古天穹

饒

唐昭陵

維崆峒趨九嶷渭前涇後交流于臨潼九嶷截薛漢所賦唐營昭陵山嶽固固同山嶽山陵使閻立德奏語鑿山南面元宮深懸絕百仞高嶽

峯不藏金玉一棺足無累庶息奸盜心况當文德訣薄葬帝

章揭陵信可欽奈何埏道下見語蘭亭玉匣紛傳今功臣密

戚蒙賜地如漢陪陵給秘器熙寧耕種麥青青百六十冢湮

無次三月廿五日承祭禮畢勿勿于陵南尋見房喬魏徵李勣李靖薛收許洛仁冢與碑而高土庶碑存冢已無當年石馬汗常

流君長諸番列十四六駿圖移石不全陵陰石室空存記狄

梁公墓乾州村奉天乾陵高出雲不解華原鎮將甫投谷何

以風雨奔騰朱雀門

乾州

摩石齋詩集卷四十二

十一

梁山今日見昔者古公踰王業端其肇仁人衆所趨雲青陵闕石雨綠驛亭蕪一詔匡危祚忠州竄跡孤

武功

周室有邵女姜姬復太姜雍原若山固漆水自流長唐氏興還此蘇家盛孰方平林與隘巷西澣至岐陽

班蘭臺令史墓

好時連廊時春殘遍綠蕪石蹲羊虎四冢起斧堂孤司馬揚雄後龍門太史殊公家擅闡彥著作古曾無

馬新息侯祠

祠扉晝閉長蒿蓬鬚髮端居矍鑠翁馬革裹屍非誕節城西墓葬有膚公雲臺將相多顏色聚米山川少目中班馬徙家兼耿魯馬家香火尙扶風

岐山

南有周原廣岐山是北山吁嗟遷洛後豐鎬賜秦還鳴鳥家  
誠瑞戡黎歲亦艱如何斜谷口空對落星灣

鳳翔道中

子規聲急喚行人官柳絲長拂路塵鼎鼎百年空復老堂堂  
三月奈何春杜陽雲氣懷天柱漢時風光別渭津踏遍西平  
原上草夜來焚尾酒邊身

寶雞

神至必雉雉夜星流自東漢方祠五時秦實霸西戎渺與堇  
原別艱將雲棧通不知誰賣酒柳外市樓紅

擇石齋詩集卷第四十三

秀水 錢 載 坤

登西鎮吳山

五峯天挺秀

康熙四十二年 賜宸翰曰五峯挺秀

一水汧流佳

一水河發於黃峰左旋入渭即汧水之一支其一由

山西徑屢進前後屏雙排前屏土膚漸後屏石骨皆石即

五峯插秀傑高其儕鎮西中立小肅穆四峯諸大賢左拱巋

靈應右拔翼南臨會仙儼北顧望輦借各攜小峯侍中立獨

如齋森森邃投谷仄仄危緣崖千尺巖垂雷一繩雨滴階

靈巖

大巖若半屋其腹凹極高雨淋不到處粉書晴巖飛雨四大字萬歷

二年三月江南吳同春蓋巖上石溜水懸繩千尺及半濛濛若飛雨

古根徧楓

櫟茂葉連柏槐峯峯紫白花層層綠萱萋惜不及霜曉喜猶

過春靈出險驚白髮升空破青鞵靈湫絕壁下呀豁門常闌

石上字半蝕樹陰眼頻揩

靈應峰前壁千仞極高處大字刻吳嶽鎮西成德王湫又嶽鎮龍湫四大篆字明陳棗書及極

高片石仄處橫刻金天

靈液四大字徐彥登書

靜測龍所宮膏枯非磔蛙舊祠守者去叵奈

夜虎豺

堆夜有虎至山下僧後

遂置仙人碣甘輸樵子柴終南壩篋擬太華

項背揜職方秩于鎮牢醴虔不乖山外山周環山內山旋蝸

吳山關隴跨李令雲嵐懷

唐興元于公異吳嶽祠堂記云紫雲削嵐以屈孟希价持金賜神錦袍金帶夫人花冠等山

鎮之秩犬于方岳而作碑今在廟左簷下

茲歲降

御香嵩呼慶靡涯

入益門鎮至玉女祠

渭水渡不遠隘口哆短山確聲屋兩三雨氣嵐孱顏舊城略

元末李思齊築

不見高天渺思攀西南翠密秦嶺東險艱姜水瀉其

陰趨渭紆淪瀾斜壁削入底卷濤擁成慳後波駕前波是為

軍陽灣巨石欲阻行棧始磴屈盤巨巖疊疊起秀樾梢梢攢

雙崖夾一路是為二里關關前老路廢新路木欄杆折下復

折上巨壑鳴幽潺樹綠到峯頂峯攢交綠灣灣中水與人迎  
送心相閒十里廻澗道千峯插雲端破絮纏列屏白龍戲奔  
湍

半坡觀瀑布上煎茶坪

姜水繞嶺東棧路行水西南乃姜水別上上高復低忽見匹  
練飛翠壁雙削齊于中劈飛下竊如雪色霓東經雲蓋寺半  
坡適初躋匡廬之絕觀不謂在寶雞遂上煎茶坪乾坤錯端  
倪瑤峯盡嘉樹翠壑多芳蕙平石疊坡濕絲雨零霧淒清深  
四蒼蔚旋折一階梯花葉隨左右園林欲取攜下坪踈如秋  
維草轉萋萋千樹亦苔身千石亦烟蹊伊誰設赭色踈密邀  
分題

過凍河至黃牛堡

摩石齋詩集卷四十三

二

一

南橋接北橋兩道河淙淙別爾濫觴處去爲嘉陵江橋南草  
如毯草上峯如幢始憐煎茶頃勝絕不可雙龍溝迅流駭石  
窰奔渠慢後灘擁前灘捲濤復驚瀧峯根石阻束振落氣未  
降水急使馬遲越川屢趨杠宋人廢壁壘黃犢勤耕糴雜采  
坪上花供之拓晚窓

曉趨草涼驛

嘉陵江未見凍河水猶隨相送莫相別我行鳳縣之白雲出  
山澹春露被草滋土礪緣始仄偏橋接如夷乃下長橋鋪鋪  
舍方晨炊仰巖危欲落對壁削若垂羣峯壓影碧亂水交聲  
時踈踈林轉塢蟲蟲峯圍涯峯前路去有塢後水來知乃出  
紅花鋪天曠明奔曦闌干朽逾峻人馬歇已飢望望草涼樓  
小店飄青旗

晚次鳳縣

棧行甫取左右棧殊未知巖崖就跟趾盤折依高阜石礪鑿  
難廣土礪崩易欹偏橋力補缺插脚憑可支其對峰互逐其  
俯水逼馳寧須必平坦實亦無險巖棧方大略得馬仍小心  
為石門關崩劣柳樹灣逶迤西岐在鳳翔鳳縣曰南岐鸞鶯  
既鳴後翱翔曾集斯日落遯跡山不與張果期云云故道水  
渺渺嘉陵涯

逢林觀察備

不謂事兵間書生竟爾媚辭京十餘稔宦蜀萬重山驛並小  
江曲城臨新月彎同悲兖州守莫肯眄塵顏

歲卒  
于官

鳳嶺

堯石齋詩集卷四十三

三

出郭上高岡登幾百步却望後山雲迭見來時路路平盤  
乃勝山大折成趣水石蒼秀問人家兩三處嶺半起數峰峰  
身擁千樹天曠忘所娛意行馬非駐峰塢夏綠葳鳥聲不知  
數峰上復層峰峰肩徑乃度其陽列翠屏屏麓深猶沍黎花  
白有雪菜花黃不霧惜哉林何焚居者穡是務鋤為種麥坡  
楓櫟弗之顧古路仍左盤嶺盤壑斯赴密陰棧闌千曲曲偏  
橋護峰圍樹皆僊日篩水相注乃入心紅峽澗夾青壁互壁  
修眾葉垂澗窈疊泉吐檀藥丁香麩下上畫眉嘍設無白雲  
眠遂欲流水住暖然鳳嶺經愁語昔人誤

宿南星

近在連雲寺郵亭得數間前來野羊水後擁廢邱關有夢成  
無夢千山隔萬山老人隨所遇城遠濁醪慳

柴關嶺

綠樹兩峰間四十里不斷寒猶立夏後氣不侵晨散歷高漸  
漸危轉曲層層緩千樹澗谷深萬樹岡巒滿并為大嶺陰日  
照勢無煖昔云虎之藪中或熊所館孤亭連理枝小歇極情  
欸柴關以樹勝霜候他山罕丹黃楓榭交再過肯成嬾踰嶺  
成旗翻一松翠無伴嶺後八里長嶺前七里短

紫柏山下留侯祠

祠屋近柴關高峰四面環猶傳赤松子相望定軍山事業興  
衰際英雄氣數間洞門七十二惟有洩雲還

次留垣遇沈太守清任

褒谷停驂晚濤賤出袖新論兵諸險劇挈子一官貧京洛尊  
前夜湖山夢裏春還朝定相待有幾白頭人

釋石齋詩集卷四十三

四

畫眉關

山盤水曲闌干橫土石高高鑿口行後水轉為前水出左山  
趨與右山迎錢塘天竺寺遙辨鳳縣心紅峽近爭千里綠陰  
春乍老畫眉關外畫眉聲

觀音扁

連山根抱黑江馳憑仗中丞不險巖百尺高崖題字徧就中

一首蔚州詩崖刻西南蜀道古蠶叢萬折魄巖一炬空謾向雍梁誇勝蹟千

賦以紀之古蔚魏象樞益曲沃賈漢復  
撫蜀時煨石關閩王編路易各觀音

諸葛忠武侯廟

入蜀先欽諸葛君後於三代感斯文仁為己任驅馳許業不  
偏安涕泣云沔上自多庭柏撫楹間如有石琴聞傳家澹泊  
終寧靜矯首南陽悵白雲石琴一無絃扣之其聲清越以長傳是侯所御  
者今設廟之前楹琢石為薦蒼潤亦數百年物

渡漢江至定軍山謁諸葛忠武侯墓

定軍山下戰破魏黃侯忠沔陽受璽綬先主王漢中山可容

萬軍祇今林一叢瞻林黃岡大卽地綠草豐水經注云因卽地勢

後人巨樸參重霄長根護幽宮庭桂夾垣竹古柏相蒙籠登岡

望千里左右峰立空天心宅斯人山水忘其功優劣比伊呂

莘野堯舜風三顧若三聘南陽耕且躬誰懷甲子志事豈鷹

揚同後車老匹夫慎勿以儼公縣官寒食祭百姓雞酒供俳

徊桂柏蔭髮鬢艱難衷陣圖鼓聲出兵書石匣紅墓門漢江

南祠堂沔縣東

寧羗

莽莽武都郡葭萌南復西磨刀隔荒壘浣石向廻谿路有青

桐樹山無白馬氏龍門信幽邃不及宋賢題

蘄石齋詩集卷四十三

五

列壠

列壠煩迎送孤襟忘險夷千山隨馬足一路採花枝白髮巴

人見青羗漢使知修名如可踐努力未云遲

連日采山路黃紫翠花中多紅薔今日乃得白薔

蠶叢春好過春蠶人老今年七十三記取朝天關下路紅薔

花北白薔南

月下過桔柏渡

桔柏渡桔柏今朝急相見我馬信然瘖山郵詎云戀况沿江

岸來鎮與明流眷巴人牽網能越客撐篙便澹魄會將圓環

巒略可眇白水下嘉陵灣回中出縣縣令待沙頭張燈覲初

面鄉音聞浙西野次一笑怍

天雄關見常紀題壁詩

錄七絕一首江曲真賦字似之牛頭  
袞袞上來遊旋懷今古無窮思問着

山僧總不知常紀崇慶州知州  
奉天承德人被木果木之難

常君通籍本留都言貌居平似腐儒突見牛頭詩灑落直教  
馬上淚模糊金曾已逼捐生竟玉骨難尋返葬無心事山僧  
應不解招魂萬里仗巴巫

### 劍門

佳園孔道

新明天啟四年開此路立石題孔道  
新開土人乃稱其地為孔道新

樹石四峰括卵石融結

奇巖崖愛難割木橋復石橋左右泉活活蝴蝶花紫翎菖蒲  
葉青拔于凹有盤紆于凸無滑達高廟蹋春見大小劍轆轤  
大者崇墉連隕然中斷豁爰下七里坡樹石益清脫磴坦赤  
欄扶林濃書眉聒適為佳園行遂以險徑達奇哉卵石團層  
疊少廻幹翕張及關南千里氣斯闕我今語劍門在險皆抹  
撥據蜀險必憑破蜀險先奪不獨鑿陰平非徒泥諸葛

### 摩石齋藿卷四十三

六

### 劍州蔭路柏歌

劍門關偏柏巔出誌公寺上森六七不知挺特荒寒隅何藉  
瑰奇古翠質入關一舍通行衢高低曲直山坡俱大柏樹灣  
踈密欲千株輪囷十圍根互絡杈枒百尺柯交扶疊疊平石  
柏下鋪泉峰暎帶雲霏濡石洞溝來斷不斷講書臺去無處  
無乃知廣西李壁劍州守正德年間種斯有侯之治行明代  
最只如種柏堪不朽閬州以西梓潼南數十萬株夫豈偶劍  
州土石本自佳土黃且厚時緣崖巨石巋崎小磊砢柏生其  
間一莓苔柏身擁石石蔭柏柏陰成衙如柳槐爨火斧斤雷  
電劫葛藤榛莽風烟排我行廣西全州嘗見松蔭路百二十  
里不知數此松種自楚馬殷補種後人極培護又聞路翠與  
路青元說武連種松樹劍州柏全州松鄉人之福我民福夏

陰不薄冬陰濃三百里蒼天下罕豈惟行路太息爲敬恭

郭璞

栽松碑云縣路翠武連貴縣路青武連策

### 武連驛午睡

燕壘萬山圍山郵自袂衣路長行處倦晝寢覺來非天外巴江字林間杜宇歸赤闌干一曲垂柳不陰稀

### 過上亭舖是郎當驛成二絕句

雨點吹來閣道長鈴聲未免碎丁當已知舞袖郎當甚鮑老何煩笑郭郎

長安歸去也郎當蜀道鈴聲且自長昨夜興元西畔月一株黎樹佛前堂

### 七曲山謁梓潼神

童年曉就塾輒令拜文昌謂是梓潼神實司鄉會場天下父

### 韓石齋詩集卷四十三

七

母心能不貧賤傷書餅充忽忽豚蹄祝儀儀小子捷泥金二人痛終堂獲罪必於天罰遲孰主張今來梓潼縣祠下猶彷徨羣山入劍門二百里舒長萃此山脈秀鬱然山頭蒼盤陀石如磨肖像踞胡牀檐端晉朝柏一榮一枯僵八州開地勢萬勿融天光山水曲乃成田疇平且良昌昌以文明爾爾無隱藏鴻生舉漢經胡牙比言揚進士復試廷昉隋盛則唐三塲肇延祐四書遵紫陽元宗誕降夕文昌炯星芒學宮享孔孟生員業文章能者科所取取之行或妨易曰餘慶殃書曰百祥殃上帝稽世德顯道從時王爾室善淫際大廷刑賞常分職宜有神古禮蓋未詳香火遍區中發跡在蜀疆列宿况上應斗魁先戴篋遺文據張亞小說夸姚萇乩仙托符籙俗流未渠央凡事必神寓凡神必靈翔維天昌斯文曷不神無

方

發梓潼

日出光騰躍山趨氣展舒掃場收麥後堰水插秧初烏犂三家雨黃雞八月廬巴西西更好第一鱸魴魚

題魏城驛舍芭蕉

襄漢路斯近長安城不遙雙飛下梁燕十樹蔽庭蕉風色白

團扇水聲金帶橋淳熙有文字望古未蕭寥魏城廢縣也宋淳熙縣事尹商彥魏城縣建通濟橋記云大溪深一十尺廣六倍今庚子承議郎知魏城溪狹碑猶立宿莽中文字記與書俱佳驛之金帶橋卽其處

晚至舊縣州

急雨收還灑長虹挂獨明縣山自駢抱涪水太縱橫蠶熟桑齊翦園荒竹已成羅江來日到廢縣改州城

落鳳坡

稗石齋詩集卷四十三

八

君失臣何失高光度未優天如存別駕諸葛自荊州

德陽

收雨開晚照插秧種新田短山黃邈迤深水碧回旋許令僊風遠羨家孝行偏三吳今四月村好可皆然

彌牟鎮觀八陣圖并序

舊說在夔者六十有四方陣法也在彌牟者一百二十有八當頭陣法也在碁盤市者二百五十有六下營法也載過彌牟按一百二十有八之聚石爲魁今諸葛廟前東西相對周凡四百七十二步乃知假六十四卦以結陣而彌牟則兩六十四卦也特其所以變化或不傳孰謂兵非詭道哉觀廟碑都不及此

八物陰陽錯重生造化周易家藏變互兵法借權籌方位圖

書肇儲胥伍兩脩情於忠武托震若鬼神伴白帝城荒壘碁  
盤市僻陬維公遺故蹟其一在彌牟峙土排魁整成行聚礫  
稠東西皆八八缺沒半悠悠陣結三軍示儀分六子儔風雷  
隨步伐奇正協剛柔萬里神乎卦孤心帝者劉非惟愚彼敵  
是用善吾謀逖聽紆雲棧先聲叱木牛中原天必復危急歲  
何秋廟外弓贏敵林陽岸偪溝于夔揣方陣此地屬當頭韜  
略餘形迹兒童少踐蹂四門兼二首百計亦千愁入蜀淒涼  
漢臨江舸蠻侯常山蛇勢比上智任相求

至成都館于貢院

錯道宣華院裏來  
莪葵紅白落蒼苔  
摩訶一曲春流淺  
曾見耽書蜀秀才

謁江瀆廟

韞石齋詩集卷四十三

九

岷山夏后導曰維百谷王昭靈以廣源瀆長于南方丕丕

列聖基道洽求今

皇涵濡我萬物

康熙四十二年  
賜御書額曰涵濡萬物

東會其昌昌九霄開

壽辰一誠致

御香獻官具展儀

天旣行肅將孟夏海榴紅前榮山柏蒼歷階敦所習所禱申  
無疆

浣花溪

出郭之澄江我遊誰主人豈無八九家何許南北鄰昨經杜  
中里暫見城南春皆公別後憶莫得歸相親圓荷復細麥悵  
悵值茲辰王粲與揚雄爾爾非其倫送詩多所覓枉駕亦有  
賓碧色門向灘急流市近津西枝村不置吏隱再托身奈何

草屋賃仍使讓西新蜀相祠自古公來名益振溪今並天壤  
花飛蜀卽秦

草堂寺與查按察禮飲

杜陵與少陵稱地每相托卜鄰草堂寺乃更草堂作將老果  
斯遊况君以酬酢竹烟江外梢榴火佛前尊從戎勦金川守  
險駐美諾力於猛固橋誰謂儒生弱既聞闢新路實藉佐雄  
略

聖鑒錫恩殊繇來勵勤恪我今海棠後念昔丁香落百年復  
幾何金瓊但同嚼晚愁潭不住春夢花無着翰墨可言勲寧  
須上麟閣

慰忠祠

木果木軍劫兩金川背恩維忠死于事有彥及吾門栗主千

韓石齋詩集卷四十三

十

秋淚刀州萬里魂拜瞻青史輩嘗共夜堂尊

戴充同考官所得上趙公  
交哲吳公瑣皆與戴友善

常君紀丁丑進士孫  
君維龍庚辰進士皆

謁漢惠陵

臣僕操權已陸梁將軍載主獨蒼茫荆州不襲秭歸返高祖  
重苻王業昌賽社雞豚三蜀儉參天竹樹一坏荒直須廟庶  
先諸葛增配關張馬趙黃

泛舟錦江

相留作嘉會相邀出華陽心在海棠樓身過碧雞坊雙流愛  
江流廻風蕩晴光此水下揚州萬里鄰吾鄉錦官住何許錦  
院機幾張有井訪薛濤有岸穿修篁翠陰森自合午景高爲  
涼且緩送郛筒汲之冽可嘗濯錦旣以鮮製牋復以香行行  
扣蘭楫聊試吳歛長

出漢州

金雁橋邊驛白魚  
河外沙稻秧過朝  
雨笋竹接村家犴  
獐鞭  
麾尾葵榴餉戴花  
西湖湖已塞百頃  
綠兼葭

林坎鎮

沃野行初盡高坡  
已夕曛疎疎村擁  
竹澹澹嶺收雲白  
馬關  
名舊金山郡地分  
桃花溪裏岸實有  
鳳雛墳

出新縣州是舊羅江縣

果是羅紋水江廻  
絕可憐青苗近畦  
見黃土外山連筆  
竹時  
村落潺亭老石泉  
雞鳴橋漸去亦未  
過炊烟

天際日出望峨眉積雪

大峨中峨耀太陽  
小峨積雪連神光  
普賢只在人間世  
却與  
文殊各道場

檀石齋詩集卷四十三

十一

縲絲

蠶市風何舊行行  
近左縣縲絲當店  
口曬繭在街邊梅  
子枇  
杷摘燕兒蝴蝶翩  
翩祇應喚江曲六  
柱上吳船

打麥

來見燒畬處歸聞  
打麥聲竹枝傳作  
苦江水有裁成畫  
畫諸  
州灌畦畦是月耕  
婦姑勤所獲休養  
遂其生

漢議郎李先生祠堂址

石馬地數弓水草  
廟一椽拓為議郎  
祠明之嘉靖年議  
郎甘  
飲鴆公孫恥作緣  
秉德貞乃節艱哉  
亂世賢石闕無膾  
蹟翠

微荒曉烟尚書金  
獻民詩記苔花鐫  
縣人急科目梓潼  
祠則

虔藐是孔門徒不  
知有道阡

宿郎當驛

晉代柏蒼蒼斜陽過吉陽馬雖輸欸段鈴亦任郎當不醉身  
猶健無眠夜豈長百年穹壤內觸撥總難忘

出劍門

雲飛石疊曉巖巉豁斷蒙籠綠樹間萬里來遊草堂寺雙旌  
歸度劍門關憑誰力盡終能守使我心煩莫可甚何事天公  
大遊戲削為城郭詔孱顏

誌公寺

破寺不可入亂堆雲自低因緣盡江左爪髮或巴西大劍山  
落月姜維城絕蹊門關蒼柏頂佛聽野猿啼

牛頭山

牛頭山見北村低隱隱炊烟叫午雞安石榴花紅瑪瑙嘉陵  
江水碧玻璃

薤石齋詩集卷四十三

七

千佛崖用刻石元至元三年僉西蜀四川道肅政

廣訪司察罕不花題韻

石鼓巖青敞列楹莊嚴相好幻無生雲根未辨隋唐鑿江口

初經隴蜀行御史名留春薛老詩人心在水風清憑誰傳語

新城去員外龍門閣又更崖之藥佛相傳唐韋抗今崖上亞中大夫保寧  
百述律鐸爾直次韻云何代人為佛寫生明

神宗時鄭振先句曾閱隋唐同過隙則不定是唐鑿也又元鮮于圭御史題名記  
高不可辨元明人題句至多  
龍門閣今崖北立坊有廣元令  
大書云千佛崖即古之龍門閣

朝天嶺

蜀人朝天程出入前後峽前來夾大山後去山大夾雖非歸  
州匹頗亦利州甲所虞棧閣傾非特波濤狎後人改於嶺嶺  
行何高高其後峻無險其前坦不勞翠雲堆巨石好樹風周  
遭園林有如斯亦足散鬱陶

七盤嶺

昨來七盤山雄雄雞頭關今行七盤嶺七盤卽五盤少陵昔  
此道棧閣猶云艱逶迤五折瞰恍恨千年還蜀之北門是高  
有連峯環斗城四扇閉角吹三更開南北照明月戌卒居其  
間馬麟坪陡入偏仄山屨顏隘穿復盤上蜀險在秦山千層  
崖蕲絕一線溝潺湲

宿黃壩

三更好夢難萬里新愁獨杜甫祠前江薛濤井上竹

分水嶺

相隔自淙淙東西不得雙北穿五丁峽南入嘉陵江清瑤流  
可愛碧玉石無慢回道有終合所思非異邦

五丁峽歌

蘼石齋詩集卷四十三

三

來爲順峽行歸作逆峽歌謂之曰峽以狹勝山峽水峽遑知  
他初過浣石舖將上滴水巖峰連峰夾青巉巉峰身樹交綠  
不芟懸泉一滴滴石潭左巖危壓攀停驂其上諸水匯出罅  
其前一澗明趨南遂循上水穿竹樹水左水右隨石注旋高  
稍展密更蒙屢折仍深寒欲煦鳥聲獨嚶飛何枝仙草徧生  
香此路中間踈朗若平澹盤崖赴壑乃類險赤欄扶橋幽入  
坎倒流鳴溪風急颭蒼峯巨巖狹且嵌峯陰成塞樹成閭巖  
如覆屋屋如穴洞不可測龍蟄默天光一線照窮覽金牛古  
道誰手題洞雲溪月何端倪洞刻金牛古道四大字  
又洞雲溪月四大字縱然鑿廣漢司  
隸五丁所開誠無稽人言峽中旣苦石又患水我謂患水或  
有之苦石恐無是高巖如城上無雲大石如雲下有穴回灣  
如磬泉丁東對聳如門峯岫秦坤蜀艮此其適造物警策

於發收峽前幽絕後奇絕故知後之脈絡維梁州礪冢沔漾  
紛蚶

大安驛

寂寥大安驛莽蒼大安軍明日湘纍弔晚山鶻鳥聞葭萌關  
亦廢礪冢水初分回首金牛道長天橫片雲

褒城

西逐漢江聲山光入縣城孫樵驛壁記王遠石門名碧野雞  
遙唱連雲棧始行蜀葵花總好未免有離情

蘧石齋詩集卷四十三

古

蕓石齋詩集卷第四十四

秀水 錢載 坤一

度雞頭關連日歷舊閣道處得詩五首

雞嶺可云險蜀行蓋未經盤磴道仄高高山骨青箕山偏  
幽阻褒谷插深冥浸根一線水聲響莫得聽奈何石門塞邈  
然歐陽銘無路以成路盤下尤伶俚昨來春已夏無一花松  
惺今過夏已仲寒氣如霜零蹣跚咎我老是用煩輿丁違問  
丙穴魚及麓心神寧

架梁鑿石跡目炫方方看今者土石礪不如古所難奔濤逆  
我來萬古響水灘名棧盤龍塢既出石龍灣已闌依然堡子舖  
山迥人家安片片石無根飛石崖飛石崖等俱棧名噴吮稍前觀音扁  
不作閻王觀黑龍江聲壯四塞峯青攢架雲可半里雲翠堆

蕓石齋詩集卷四十四

琅玕架雲赤棧名青橋且逍遙吾豈忘朝餐青橋一名逍遙峯身樹叢綠樹頂

石太寒延江偶山脚險越苦屢于鑿之凹乃跨下上如馬鞍  
馬道驛西有蓋皆雲棧端

樊橋何佺佺寒溪亦深深孤雲與兩角聞猶祀淮陰孤雲山與兩角山相連其上石刻云漢相國何追韓信處淮陰侯廟在焉燕子崖可巢鳴玉出清音樹石互荒秀從

茲忘古今乃上虎頭關詰曲褒水暗蒼崑疊高危夏綠蒙幽  
森泉懸峯四塞上天橋迥臨武曲遙見屋火燒礪樛碧綃

明穀紋石梯倚翠岑上梯壑漏日下梯泉盈襟燕了崖鳴玉上天橋武曲橋火燒礪之種關道而行者誤以為馬鞍嶺也焦巖岸復岸樹石諧翹心方稀輒

已過愈勝遑重尋道于右峯下左峯偏欲侵前後峯屢轉水  
聲接風林

武休關下水西北仇池通褒水太白來入與棧始終武關水

合之曲出石泉東斜谷水自北亦流于褒中諸山黃草山棧  
左青叢叢連高復夾深岸峭憑于拱萬樹覆其上窈然清氣  
充草樹有雜香晝眉聲則同冷水又寒溪會褒南颯颯奈何  
將出漢溝黑箕山童

連雲武關半已別臘魚潭

名

武關既踈曠午景亦未炎逆流

緣峭岸曲水抱重嵐迭過馬鞍橋樹石前逾欣青龍寺蹊蹠  
青羊橋趨趨偈入無路處大山溪盡探去時攬未了歸來趣  
稍諳雞頭關以北畫眉關以南褒中棧之勝樹石泉峯兼其  
上褒谷頓又上斜谷覘南口達北口連連雲步參褒斜行未  
遍聊以最勝拈

題柴關嶺連理樹

枝峯蔓壑夏陰敷小立紅亭日未晡秦嶺蜀江人萬里一枝

摩石齋詩集卷四十四

二

連理見來

無青桐樹也一根挺雙柯直上二十尺許  
交枝連理復挺雙柯直上可四十尺

心紅峽

樹石泉峯最吾將游太初嶄然列青壁未見有匡廬山水可  
言性靈明不在書盤陀老苔蘚清樾鎮相於

二里關下觀族祖施南公刻石

王道坦平四大字雍正十  
二年甲寅七月知寶雞縣

事鹽官  
錢界題

萬里歸來立馬看益門崖石自鹽官遺民白髮他州徧先龔

青山半宅寒

永安湖之山葬近  
先塋貧無半宅

隴首秋雲巴子曲滕王高閣楚江

蘭兒時相器今相感礪路安驅老不難

馬嵬二首

謫墮塵寰那再言春風花蝶劇飛翻丙申六月維丁酉回盼  
君王已割恩

密令移葬失西東大海蓬壺總是空不及興平坡卅里縣人  
長記太真宮李益過馬嵬詩路至墻垣問樵者顧子云  
是太真宮今坡前立坊猶題曰太真宮

### 孝經臺

天寶四載秋石臺甫畢功遂奉兩本獻光順門墮隴聖文神  
武帝訓注垂無窮國子祭酒李齊古表開元  
天寶聖文神武皇帝陛下御翰南山壽睿詞北極  
崇唐之國子監實惟今學宮開成石經在石刻唐宋充環列  
庭左右孝經立之中四石合而方華蓋以隆隆唐遺見猶僅  
質樸擅乃工摩挲三歎息至德何昭融開元元年冬講武驪  
山雄二年如溫湯亦不歲歲同歷年三十五華清照新豐天寶  
六載  
十月廣溫泉  
宮爲華清宮敬哉茲臺建展義克有終

### 灞橋二首

白鹿原開曉黛滋看花幾輩好春時水邊楊柳婆娑甚自笑

### 蘊石齋詩集卷四十四

三

行人兩鬢絲

相逢相別漫相憑到眼風光感不勝長樂坡連人割麥唐家  
諸后舊園陵

### 登驪山

寶坊大地陽春榜

仁廟西巡駐天仗

御湯

賜與百姓同秦漢隋唐跡無兩使臣豈訪唐華清當年聞說  
求長生年年十月貴妃五家劍南旌節盛從幸觀風講武按  
歌鬪雞舞馬繡嶺東西橫十六長湯暖大小毬場平老子太  
上興不淺羯鼓樓前玉像明津陽門今在何處縣門北向臨  
潼城繚垣半曲細草亂古柏萬株高烟晴朝元閣已更惟有

金精在

老子像云是太白谷中玉石所琢天寶金星之精

雕琢擅良工流傳信真宰星辰湯

不改復出海棠湯依然一闕香詞讀石上青苔照夕陽

城下近

復掘出

海棠湯金饌散汝粥風流子詞石猶砌湯上

### 新豐原

靈臺諸山翠北下為高原蜿蜒可卅里零口連坳墩東原草  
纖被西原樹綠繁于中出澗水其西有瀑園四峯合飛泉寂  
寞泉潺湲水行且達渭小縣城開門下邽我所思蓮勺故不  
存寇家普照寺白氏紫蘭村

### 齊雲樓

銀漢無聲此夜寒長安何處望長安紇干山雀飛來苦苦薩  
蠻詞唱出難

### 鄭桓公墓

摩石齋詩集卷四十四

四

古鄭漢弘農司徒世靖共從遷自新邑葬考在初封草碧如  
芟棘林荒盍補松緇衣風不遠適館授從容

### 西岳廟題名

華嶽題名者其人五百一歐陽集亦偶治亂已心怵開元迄  
清泰身世證凶吉世間山骨青不枉掃苔筆雁塔遍題名進  
士聞唐年宋僧塗墍後刮壁愛復傳刻于塔西南字好稱爛  
然石磨付小劫廢院鋪春烟岳廟搜斷缺題者乃數百明元  
金宋唐碑陰并漢迹豈惟祠岳虔遊宦或從役俄頃諸古先  
笑言同几席題名重當日書法首魯公我行佳山水手揚篋  
屢充慨然千秋名常遇寂寞中金石信多壽何知斜照紅

### 楊太尉墓

改葬潼亭近來翔大鳥悲里中夫子教朝右孝安時直僅傳

三疏清猶見四知荒烟今七塚定失耐孫碑

自蜀道回復過韓侯嶺感成六首

咸陽春草曉如曛馬道寒溪夜自分碌碌人間刀筆吏給君

入賀本追君

長安人謂予長樂鐘室之地年年生紅草一片寒溪出馬道西東與囊谷水合侯亡至溪一夜盛漲不得渡蕭何乃追及

高祖初心蜀已違留侯晚計蜀如歸避於所棄誰相偏躡足

眞王合悔非

獨憑靈石賽如神自出陳倉跡未湮等是東阿今日縣青山

不葬魯公身

只此登壇大將旗萬家守塚乃成悲故鄉尚有淮陰水落日

應尋漂母祠

盈野盈城殺氣腥請從孟氏授遺經不緣看盡孫吳輩善戰

焉知服上刑

韓石齋詩集卷四十四

五

萬壘紛蟠一翠螺橫開太岳下汾河土門百里重重隘險絕

韓侯意若何

趙北口作二首

紅橋綠水曉光濃行殿風楊掃蓼茸好似白沙堤上望別

來南北兩高峯

西泠東畔讀書人黃相漁磯近作隣三十五年紅芍藥裏湖

看雨丙寅春

濠梁驛

降香江瀆返連涉濟河淮河復復如舊淮清清自佳民安惟

帝賴

聖敬與天諧楊柳人家外秋飈颭碧涯

懷婦病

秦蜀萬里歸豈知病在牀仲春我奉使君健爲飭裝病由清明始是日至平陽飄飄十旬逾乃未得康強還京趨雁塞復命覲山莊尋被

主恩深江南典試行暑雨旣連宵藥爐朝不涼有兒兒有婦

萬事宜周詳我身日以遠我心日以長莫知死與生音書墮

渺茫典試迴避飛家書不得榜前達濟南送君返從此安其鄉京邸十七冬累君

薄衣裳謂予當復來復來理所當兒若進士成兒婦同北航

君言幸而中去冬犯冰霜更攜女孫嫁仍住宣南坊同庚七

十三辛苦輒難忘不知死與生向天獨慨慷燕山自青青淮

水何湯湯相思重相見相別猶相望七月歲庚子徘徊賦此

章二十有三日迢遙過舟梁此際君晚飯趙婆數呼將無煩

念我行後日滁州疆作此詩時夫人之歿已十有三日辛丑注

蘼石齋詩集卷四十四

六

醉翁亭

郭外風香荷葉浦山中雨熟稻花田泠泠如動醉翁操落落重聞三兩絃補種老梅生碧蘚移來大石對荒泉

聖人好句題遺像留與滁州在必傳

題江驛

鶻聲纔聽浣花舟驥尾眞爲秉燭遊十六年還尋浦口萬餘里却到江頭吳宮晉代鍾山色漢寢唐陵渭水流一種人間官柳樹不論長短總關愁

渡江

江浦縣邊江色秋江神祭後放江舟青山隱隱雲生際白髮蕭蕭雪滿頭信有南朝盛文物始於東晉太風流月寒天迥星光爛惆悵曾登試院樓

秣陵

秣陵楊柳不勝攀，數盡歸鴉落照閒。  
蠟屐唾壺紛士女，投鞭塵扇此江山。  
終南涇渭消磨劇，三代唐虞闕略還。  
遣端憂庾，開府渺然家國但衰顏。

江城二首

江城涼雨濕涼花，鐘鼓樓高山脈斜。  
行過內橋多所憶，宣陽門啟是誰家。

秦淮相見問青溪水，自通江柳拂堤朱雀航。  
東桃葉渡板橋南，又夕陽西。

館朝天宮道士院

東齋自閉關，孤坐寂寥間。  
佛手柑堆瓊，仙人鑑照顏。  
白楊驃騎墓，秋草冶城山。  
盡日聽多雨，無風拂更還。

韋石齋詩集卷四十四

七

九月八日聞張夫人計

棘院斷家書，揭曉甫得知。  
外堂乃後齋，一哀此涕洟。  
舊門適中落，賴君實肩茲。  
居常豈不感，瞬息已徒悲。  
蹉跎百年計，刺促一世為。  
寒食君病日，我行過平陽。  
七月君歿日，我行次高唐。  
九月君耗至，我猶在建康。  
不知醫不庸，不知藥不良。  
君幽我暫明，報君以永傷。

宿攝山夜月步至德雲庵前坐松下二首

戴補修名均元邀為山遊

遠景捨後湖，勝侶強茲遊。  
瞰江最高峯，啜茗幽居幽。  
我心嬾于僧，并不與僧求。  
衆壑流活活，層崖木搜搜。  
東西濕翠間，千佛知所留。

一榻靜鳴泉，半檐涼出月。  
篁深下曲坡，萬影非恍惚。  
庵扉向山閉，我自松根歇。  
天光踈不籟，諸峯短突兀。  
已忘江外身，亦

暫離城闕

秋草

秋草萋萋更綠鰥魚夜不眠無燈照孤館有夢落遙天涯莫黃河入江元大海連山風何激切頂髮倍蕭然

除夕奠內五首

老攜 賜果出東華獨樹軒中慰藉加我是黔婁偏後死紙窗風急施燈花

不知在北與歸南長大諸雛兩地諳樓上故房房後竈旅人

門戶累君堪

紀丁卯夏北行至己卯夏夫人始來京十二年之別中間甲戌秋假歸營先大夫葬

重來去臘自江鄉秦蜀歸看已臥床秋雨平階方屬纊南行

是日次高唐

辛苦從夫那得甘同庚七十已過三同過七十君差長生日

蘄石齋詩集卷四十四

八

春秋在濟南

夫人生于戊子正月二日 余生于戊子九月八日

和淚溪巖薦影前與君同穴是何年不成死別成生別今夜人間獨黯然

辛丑

恭和

御製茶宴內廷諸臣翰林等題快雪堂帖聯句并成二律元

韻

穀日

祈年穀應符詰晨采殿集仙儒

壽開八秩春增麗

宴號三清道本腴雪甲汎甌聆管籥瑤

林聯珮奉

都俞我

皇恭儉還慈惠歲歲

恩光歲例夫

堂名孟頫采于宮風色時晴恰轉東石本佳猶涿州補奎章  
高豈右軍同吟分鷺岸茵相接坐對鼇山曲未終何取紺匳  
小蒼璧穆然澹泊見淵衷

恭和

御製春仲經筵元韻

講學今瞻

大成聖集賢春侍列仙裾乾能美利還陳矩

進講大學此之謂繁矩之道周易文言能

以美利天下不言所利

宰有民人且讀書以歲

省方猶志闕

御製詩曰南巡去歲經筵闕

惟文載道豈耽居緝熙敬止

皇心見始憶顏淵曰舜子

恭和

蘊石齋詩集卷四十四

九

御製經筵畢文淵閣賜茶作元韻

早春 閣外雪花集初日 殿頭磚影移茗葉靜香 恩始

八 樛材榮渥老應遲近加

聖誨中宵感常切官箴末路私校理 秘文滋湛露成編敢

後十年期

臣蒙 恩揔 閣四庫書

上巳朱學使筠初自閩還偕過法源寺歸飲其宅

得詩二首

隣寺稀來幾度春花應記白頭人棠梨隔院紅猶欠槐柳  
遮牆綠已真細聽武夷輕權語健扶華岳瘦筇身閒時得見  
須尋樂不獨風光爲稷辰

子弟莘莘人品題金昆玉友屋東西藏書地小周旋劇種樹  
年多長養齊樺燭曲欄成酒事草橋流水問詩蹤

憶甲午修稷處 漫因

棘院趨承近官裏心催報曙雞

上已後二日蔣侍郎招集北臺看桃花諸公約賦  
詩載以承 命知貢舉明日入闈補作於西齋

二首

春本無愁客自愁春長春短豈知由園桃風色扶雕檻堤柳  
湖光盼雉樓三十年來青髯改管絃聲裏夕陽流稀疎舊雨  
成今雨落托前遊付後遊

人間容易是斜陽檀板何勞勸玉觴惆悵依然伴春住慙慙  
聊且為花忙第四句用定圃大索伯先成之句紛紛寒食烟齊禁渺渺江南草獨

芳不信于歸屬之子全憑太乙有東皇

試院小雨

辛苦三場試懽忻十日晴東風濕微雨曉靄靜高城著物先

堯石齋詩集卷四十四

十

花藥隨天遍麥萌 青旂回晉野膏澤稱

皇情

與施侍御學濂沈侍御琳兩監試談江鄉春事

南宮賞雨勸添衣話到江鄉樂事稀曉艇錢塘打網施侍御杭人

夜燈濮院鎮鳴機沈侍御所家籬根水浸野薑白陌上絲橫胡蝶飛

九十九峯春已老子規猶道不如歸先人丙舍在濮浦

試院畫杏花

惜花天著畫花人卻為誰家點筆新丹鳳樓東初日色曲江  
亭上少年春文章有格殊凡艷風雨無端豈徇因折取一枝  
留亦得漫加朱粉任天真

闈中作

一世追思忍復云東城燈下雨聲聞詩書門第濼憂我柴米

夫妻獨累君天諺有云報德未伸兒女力榮封徒貯鳳鸞文涼  
秋靈櫺還鄉里萬古新松爲起墳

自題畫墨花至公堂西齋

羸得滔滔孟夏臨畫梁哺鴿睡蛇侵嬾舒抹月批風手粗費  
鈎花點葉心觀象臺高通院肅聚奎堂寂隔門溪川紅坐與  
城南憶勒住春寒十日陰

憶檀欒草堂前海棠花

去年行役及春陽萬里幾于見海棠老卻成都子規鳥空來  
四月碧雞坊孤吟莫得徵花譜舊會端宜屬草堂咫尺相公  
鮮錦萼明朝放榜待飛鶻

憶蔣侍郎家紫藤花

見君十幾歲時栽三十年多滿院開壓架流蘇萬纓絡飄茵

薤石齋詩集卷四十四

十一

紺雪一莓苔

先朝賜宅憑歡醉落日聽歌未擬回不獨馮家海棠好成團  
蝴蝶北城來

擬出貢院後種菊于花塢書堂

不住澄懷近兩年馬蹄二萬里羸千中間已作無妻老瞬息  
都關有命天且要秋花籠錦石仍妨夏雨疊苔錢袂衣補綻  
憑誰手當日山籬斷爨烟

送陳郎中朗出守撫州

同郡同朝我更迂頻年行役欠相於解元早有春風筆比部  
今來竹使符一晏二王三陸地人心風俗紀綱圖登高靈谷  
山頭酒卻老萸囊肯寄無

送夫人靈柩至張家灣登舟

行行國東出八月曉星闌君是鄉園返吾非夢寐看船檣自  
風正灣水未宵寒已辦藏千古休令感萬端

九日集獨往園相國有詩次其韻

老矣難勝髮髮涼相催相喚作重陽年年徑蘚秋逾碧采采  
籬花晚獨黃高興祇應蒙一笑淡情猶欲勸千觴海棠自是  
檀欒樹兩隔春風憶醉場

原倡落句誰知詩老豪猶肯預判繁紅醉  
一場注云余家海棠穉翁未見者二年矣

蘅石齋詩集卷四十四

三

蘅石齋詩集卷第四十四

穉石齋詩集卷第四十五

秀水 錢 載 坤一

恭和

御製雪元韻

臘雪乘時實三白

冬至日大雪後復微雪  
立春前十日雪積四寸

聖心五夜喜臨晨麥萌被墉安村舍梅片漫山拓地垠萬國

兆豐唯所澤

九霄涵煦即吾民邵雍可悟春都是泰象今開

百歲春

御製三十六宮都  
是春注日用邵子句

題詞卷三首

驛壁流連便繫恩詩人心性摠難言芭蕉却到黃昏雨不記  
城南是沈園

穉石齋詩集卷四十五

一

吳郎豈要賺清詞祇恐無端把玉卮王謝堂前新燕子宣和

殿裏小宮姬

由來二月月將三妙伎當歌儘自諳和淚匆匆在羅帕杏花

春雨憶江南

壬寅

恭和

御製經筵畢文淵閣賜宴以四庫全書第一部告成度閣內

用幸翰林院例得近體四律首章即疊去歲詩韻

元韻

仲春閣下廣筵列方沼庭中晴晷移

親校克踰萬籤富加詳耐向十年遲酉陽汲郡雖多秘芸館

蓬山不少私甲乙景丁荀勗采慶先一部副 昌期

語曰先難尚矣哉繼今三部速陳來經天緯地丹鉛出裕後光

前竹素該芳醕禮行 皇嗣酌玉階

恩殖眾臣材集成自有圖書後 講殿浚趨宴賞陪

十八瀛洲學士歌大羅天雨曼陀羅陽春養物歡無量

聖至崇儒吉有他持較漢唐難較是臣放漢天祿閣唐集賢殿猶遜于今陋如永樂

得如麼讀書兩字

躬行足稽首

乾元蘊太和

河東待問非三篋太史書功欠一籌 內出頻繁露

賜偏晚歸鄭重笑攜不

特從 孔子尊文藝與前朝闢謬悠高閣浚浚羣玉府

蘊石齋詩集卷四十五

二

天家清氣萬年留

馮相國檀藥草堂賞海棠

蜀道風光夢去賒檀藥依舊見明霞春纔病起能觴客我已

詩慵欲負花欄影自深禽語靜柳絲不少髻絲加縱無樊子

歸相憶未遣貧中讓白家白詩病與樂天相伴住春隨樊子一時歸又貧中無處可安貧又的應勝在白家時

恭和

御製幸避暑山莊啟蹕之作元韻

頤和本是心無暑法

祖端宜歲有行萬禩涼臺臨佛國七程迥塞護神京至

敬蹕山

莊歲以七日為程天風綠野歛輕雷夏雨青林開早晴村落歡瞻祝

多壽最知三祝見民情

恭和

御製過懷柔縣詠古元韻

書云乃武文詩曰允文武大哉我

皇文武二柄兼馭外廓基光

烈祖

視邊近出五柳城彈汗懷柔唐跡撫重爲

誥誠貞觀開元武剛文柔各有偏剛柔得中則可久叶至哉

豈惟二柄兼所其無逸敬作所

聖化風翔不記里伊犁遠訖無踰此廓乎漢唐宋遼金元明  
而中外定於一蓋智周乎物情之千萬什伯與倍徒執中用  
中應乎中天下歸仁先克己是以任賢文武惟其人關門明  
目更聰耳

恭和

蘿石齋詩集卷四十五

三

御製常山峪行宮三疊舊作韻元韻

青石梁趨後常山峪倚前萬松平谷裏一水濕雲邊舊徑還

登履新書恰對筵

聖之時以學

仁者壽於年峯慣相迎起花仍自愛妍寒垣浚締楸

祖澤大承肩

恭和

御製永佑寺瞻禮元韻

壽皇殿闕展儀崇

安佑宮濶

孝享衷

神御禮行皆愛懋

山莊地創復

親躬

古稀天子今瞻

祖六十年長繼風何論衣冠漢原廟不將宋代景靈同

夜涼

夜涼雨初止天迥露微零山不響羣壑樹無飄點螢葛衫純  
扇老苔壁石塔廳便及曉趨直閒殊門引鈴

得世錫

書下以九月二十六日葬其母夫人於嘉

興縣九曲裏之新阡感成追憶詩二十九首寄焚

墓前

夢醒人自過灤陽今夜壬寅雨後涼乙未君猶帝城住匆

匆己亥在江鄉

乙未己亥載皆尾從熱河

蘄石齋詩集卷四十五

四

一世驚為死別分六時心斷那相聞來生便復生同室已是

何人不是君

喪歸無恙賴神明河水東侵八牖行邸舍家門心孔棘寒風

竟泊秀州城

生未會居數聲去使然諸雛百福巷方遷回溪老屋稱新婦淺

仗漂搖廿許年

哀哀我母殯于堂跪與亾姑櫛髮長行次外州君殮矣此心

那不此生傷

夫人卒于七月十二日載奉使江南是日次高唐州

風雪還家父病危一言火急藥鐺時丈夫牖下何須淚家事

無專汝婦知

十八年纔京國同既歸復至雪飄風濟南四照樓前水大段

梳頭喫飯工

吳諺云十月工梳頭喫飯工蓋言日之漸短

豈有剛腸使耐貧，篋遺破襖痛吾親。宣南坊底年年雪，未索溫裘一被身。

安問銅簪伴木梳，一巾盥嗽十年餘。北行隔歲書陳几，歸日

依然未徙書。元年丙辰應詔北上

木訥居然不自娛，兩家父母謂言殊。弟兄姊妹年來少，八秩

惟應望六姑。

回門癸丑食猶寒，惇裕堂前種玉蘭。五十年來花已大，外家

風景問平安。吳俗嫁女初歸曰回門。夫人之嫁外舅外姑前卒。

池環榆柳岸圍桑，好是君家宅外廊。不記雙雛隨母立，向南

連畝菜花黃。雙雛時則世錫鴻錫。

祖母南山葬甫寧，中男病夭哭零丁。阿鴻此際應扶母，難道

身低尚八齡。鴻錫之天四十一

堯石齋詩集卷四十五

五

小兒女慣破新鞋，手線風簷閱日皆已矣。昊天無報答我生，

豈不免於懷。

南山葬母是家山，明歲全家一櫬還。癸亥暮春春日霽先墳，

曾拜萬松間。先妣葬以壬戌先公即嘗壽藏其山近六世祖孝廉嘗南府君墓七世祖戶部巨源府君墓兩山之右坡麓連屬古松新松萬株

家忌陳籩摠不忘，一如我母教兒行。城南除夜懸先像，最是

更衣出後堂。

徧性狂生負舊門，太常侍御疏空存。窮愁妄罵嘗相及，詩酒

而今悔莫言。

二人甘旨幾曾安，也儘妻孥不餒寒。今日脊梁猶未斷，算來

輸卻一生難。諺云窮斷脊梁

君嘗語我苦為人，願力來生作樹身。稽首虛空寧復我，是人

非樹又何因。

病恁焉知沸藥爐太平關夜禁烟孤家山不夢渾如夢夢破  
君今夢定無庚子載奉命告祭于秦蜀二月二十九日清明過平陽宿  
史村得詩落句云未應粉古意政不夢家山豈知夫人于京邸  
以是日嬰危疾也

起坐三番切與箴歸來蜀道病旋淡 書房向後言母戀寸  
暑猶關事國心

苑東寒食直廬晴來看山光杳萋明白髮青裴車一輛攜孫

纒此出城行夫人居京城十八年  
惟丙申春月一出城

四照樓高涉水流八窗飛翠碯華秋買船南下臨當別自說

看山更上樓

淡院閒庭見種花丁香桃杏刺梅奢濟南別後還京住在

鄰牆隔一家

安橋曲曲水連鄉聞道南還輒葦杭辛苦一蔬錢氏女白頭

堦石齋詩集卷四十五

六

上冢見爺孃夫人丁酉還家以戊戌清明至安橋  
祭外舅漢師先生外姑沈孺人墓

聞將起冢蔭松柯有日親朋送我歌癡想月明風雨夜不難

無米紙錢多

近西作舍白雲屏登壘丹楓要四圍寒月于歸雙燭下豈知

此地是真歸已丁寧諸子夾墓種松  
松外四周種紅葉樹

我北君南斷續緣流塵想見故房邊小樓月午窗櫺白不得

同看竟卅年

歸日相尋一短筇便留西舍老如農社醅若可治雙耳曲岸

蹒跚過聽松

題後二首并寄

零星掇拾漫云云大體猶存畧似君那不生時常與說今朝

一紙墓前焚

諸兒諸婦哭聲吞一女諸孫又外孫向墓慄颺君且策平生  
此舉尚知恩

只當秋風醉一杯水流應不比腸迴他時葬我詩誰寄方相  
前頭自唱來

種草花

山鄰我猶客市擔草皆花雨裏雜紅翠墻陰連整斜酒怪惟  
茗對畫嬾且詩誇武列水東館生涯何有涯

埋老馬

塞天牧可放夏月草寧腓矍鑠方縈策虺隤乃脫鞮幽厓坎  
淡掩落景僕遙歸折髀亦爲福淮南曾所希

再種草花

昨宵秋己立七月朔將新顏色憑花擔工夫替草茵戒慵嬉

權石齋詩集卷四十五

七

細事圖暢健閉身更汲門前井皆成塞上春

恭和

御製寫心精舍元韻

超然書屋名穆矣

聖心寫河歸舊川兮惠以蘇民也北口青龍岡築濬歲縈惹  
曰咨南岸更萬福來可把斯民

祖

宗民

承家之大者雅詩歌是宜君子見弗捨

恭和

御製烟雨樓對雨元韻

非雲非霧雷先鳴重檻賞值天瓢傾撒玉千疇水稻色跳

珠一沼風荷聲高明臺榭舞山翠左右圖書流顛晶幸是漚湖蒙攬勝署詹承八

御園名

恭和

御製題天津閣元韻

書庫初成 宴早成依前

勅準館中卿二三四部六年竣寫校編官

親覽程 文溯充惟 盛京送

山莊貯並

御園羸臺西有月高多趣閣上重傳翠墨盈

恭和

御製哈薩克馬元韻

蘼石齋詩集卷四十五

八

我邊伊犁西北哈薩克遠暨土爾扈特部各傳哈薩馬蕃許其就暖牧南並土爾扈特近我邊兩部來服先哈薩游牧就暖年復年去冬馬佚土爾扈特地雪花如席乃致牛蹊田其王察知鄰馬告邊吏擒爾巴哈駐盛地名大臣入奏焉

帝嘉土爾扈特王之克恭順爰

詔哈薩克人領其多馬還昭獎

賜幣外藩式

作歌紀事中誠宣維

皇脩和應袍鼓保我烝庶除橋虔薄來厚往親以禮留屯殖

穀邊無患兵之雷霆萬里攝德之雨露萬國安陋彼大宛之

徠非今哈薩產可較嘗以哈薩克產馬多謂即古大宛御製有讀史記大宛傳詩早辨其說何況還馬

馭遠

聖化之大參

昊乾

恭和

御製題所仿倪瓚獅子林圖五疊前韻元韻

獅子林圖秘石渠

御臨全得逼真書軾之論畫神惟似瓚可與言

曰起予

題已五番申大雅

御製元韻曰  
圖成題已五番書

園非獨樂甲姑胥鳴謙貞吉

搗謙利萬化心如一藝如

葦石齋詩集卷四十五

九

葦石齋詩集卷第四十五

堦石齋詩集卷第四十六

秀水 錢 載 坤一

山莊書房入直

麗正門趨曉靄蒼高齋別院進西墻宣于

便殿垂詢悉奉以閒身聚學常

家法萬端勤且儉文心三古漢還唐庭柯葉茂

先朝植山鹿鳴初孟月涼

散直

散直歸來野趣憑喜無塵土奈多蠅闌珊奔謝衢州祝寂寞  
聾叨許縣丞澁坐衿衣羣岫列早秋虛院碧霄澄吾家烟雨  
樓前水十里涼風正采蔭

恭和

堦石齋詩集卷四十六

御製晴碧亭憶舊元韻

東方升日日華晴午運開天天宇碧

聖齡十二承

祖恩早侍 山莊

賜山宅近亭臨水迓

蘭舟聞

語呼名下雲壁

眷以安趨寧厥躬

仰惟

慈念濼當日亭陽萬壑松風山松今合抱山猶昔白頭宮監  
無舊人維茂

龍姿光

獻質六十年遙 敬不忘億千壽大勤無息前王寅甫今壬寅

後聖德如

先聖德

恭和

御製題戒得堂元韻

堂記初鑄更與詩

道心相感摠隨時聿觀新構仍懷

祖誕保

前模尚振詞蒼薛鋪庭平若薦濕雲繚樹輒同披

聖惟戒得超常解請雨如期輒得之

恭和

御製古松書屋作歌元韻

韋石齋詩集卷四六

二

有松有松栽何年輪困磅礴無其前青牛老子之樹既瘦且

禿莫與齒黃帝手植之栢至今葱翠可比肩

御園幸際

聖人賞蒼穹上摩厚地蟠松兮松兮感所緣一室方丈濃陰

間今辰

古稀天子拈此示我

佛如來微笑爲便旋非惟參唯賜然初幾無字傳

至人心鏡朗圓照一如天之何言而於松適寄焉

恭和

御製偶見元韻

聖人憫魔作是詩民如赤子保弗委親民不若秦西巴豈不

屬毛不離裏官如酷吏史且傳去聲境無苛政婦不徙用令主

仁心及物去害民豈惟去之寘之死林中斑鹿仙圃遊銜草  
鳴麕駭其耳畏人捨麕逸其母莫能相顧豐草美肩輿看  
山適見之不忍其母棄其子

命人守視頃焉報母來領子兩完矣不忍政根不忍心孟子  
牽牛仁術是禁麇射麇禮各然吏而忍民乃如彼凡不憫麇  
具告此

恭和

御製霞標弗待月元韻

霞標之臺登待月廻馬下山昔則然山流素光任屈曲馬踏

清影煩盤旋

親御鞍馬

講武必夜遊可采方朔焉

御製元韻曰萬山之中  
夜跋馬自覺聲控輟周旋有

如銜檄亦何要身先  
去聲習武寧渠謂此焉

臺端待月今則否玉鞭金鐙夜行止是日肩

摩石齋詩集卷四十六

三

輿上翠微

新情舊緒題相語

叶宜文宜武操永圖可逸可

勞誠偏喜

古稀天子慎身脩宣于山月道至矣一日千里用以時惠養

驂騮與騾耳

恭和

御製批摺元韻

中外奏用摺

御下執其要何分甲乙夜

親覽歲彌劭厚生穀攸先時雨豐乃告高者雨勿旱下者雨  
勿澇今茲大有書溥暢田歌調六月三旬間五風十雨膏應  
禱或速遲催耕如好樂京畿十五省邊部迭奏報于胥勃然  
興未有不曾到

殊批軫復深夫豈言語約時雨幸時賜如淖那弗淖  
穹蒼答惟馨岳牧敬無傲

恭和

御製蒙古田元韻

邊氓耕獵牧三者不可去蒙古浸忘舊乃惟力播穫叶昔時

靠天收猶不廢獵牧叶恭釋元韻蒙古舊俗種田畢舍之去不復耘及秋穫之日靠天收

國家設用之從征在軍務農而不習武是宜善所慮洪惟

文皇朝大勳紀掌故蒙古實先服勅者使備豫今聞青海嬉

嘗信黑帳懼黑帳房番人耕稔何不為獵牧何不作遇者青海好飲偷安番人不惟不之畏轉

遐情固如村版升稠依山種落庶叶恭釋御注蒙古語土瓦馬屋曰拜牲明人訛為版升

為邊外風近同邊內趣

蓬石齋詩集卷四十六

四

皇心顧以籌邊部還其素射獵畜牧勤兵卽農隙寓爾田報

有秋舊俗重

宣諭

恭和

御製上駟元韻

天蓋而地輿四時則為馬陰陽以御之淮南辭蓋寡牧與御

道殊歸之皆馭下牧善斯御善藝二道一也卜式謂治民猶

牧固猶若叶愛馬喻莊周乃弗筐娠舍敬誦

上駟扁時乘月維夏物理適在觀蠅附驥如訝叶清塵風自

清或亦蚤蚤惹禮難天駟隨麾以玉塵把方其秣天閑適然

僕緣且愛而常過之頃同不及者是心歌宜頌是心歌宜雅

尚乘職惟勤攻駒力母假用愛權其中穆然

聖心寫

恭和

御製題鏡香亭元韻

靜觀

戒得堂陰沼心鏡如斯本不磨相印光明照天月自涵芬馥  
出風荷柳絲傍檻還如拭翠羽窺奩漫作窠富貴有那無隱  
者不惟君子采芳多

恭和

御製助夫元韻

帝寫愛民心如寫薰風絃北堤繕且蓄南渠改而穿公役無  
私役新川歸舊川增防作重隄掘地輟民田爲民以棄地仁  
經乃智權百六十里餘夫少力恐縣河方脩是亟夫方多又

韓石齋詩集卷四十六

五

難河南請助夫直隸山東連爲民復爲民惟

帝籌其然山東水侵矣直隸歲豐焉不豐役代賑無水役徒  
艱下將勞民往

上祇愛民遷及秋催未歲涉冬展何愆必勤完一闕母迫善  
兩全工興多給直

家法常承前給直心仍憂減夫心特傳豫夫力從容免使鄰  
如遷東役更議之比役速舍旃我民皆所愛我民皆所憐初  
權輕重際再權緩急間萬國

聖皆仁于茲適見端山木則自寇膏火則自煎民奚咎于河  
瀆靈福早延濶濶渠旣通高隄旣堅

翠華望

臨觀休役我車煩桃花岸南北漁者歌春瀾

恭和

御製清舒山館元韻

聖祖早建儲晚猶勗承慶

內書堂曰承慶 歷頒于

皇天在萬年

聖繼復繼

聖萬年以繩繩世寶

大寶命仰聆

山館篇重

誥後來聽儲宮昔此居撫跡可弗傲大哉天下家惟肖在能  
敬有道信云常于民又何病巖巒望豈遊結構思方柄松宇  
秋落濤月庭夜懸鏡

恭和

蘄石齋詩集卷四十六

六

御製河源元韻

聖治運天綱乾惟大德四懷柔歆百神無疆利行地治河今  
按源沉璧夙有事必于源禱 神王寅遣使祭使還圖以陳

親覽按其至廓增舊所傳沿溯真斯備星宿海超超鄂敦渚

爾是叶 呈宿渚爾即海也 涌泉綠千百黃則不可謂惟一西南河

黃金義托寄其水色黃金三百里獨遂屈注星宿海上流無

雜廁蒙古蓋稱曰阿勒坦郭勒叶 御注蒙古語阿勒 担即黃金郭勒即河也 由此達更

上其西大取義北極星石高亦緡蒙古字 御注阿勒坦郭勒之 上一巨石高數丈名阿勒

噶達素北極星也齊老石也 一石峯孤標旁土崖壁意土皆色黃

金卽色端倪契其上天池噴黃金色潭積叶 下趨黃金河一

源出不二

鴻文正嶽瀆精鑑豁蒙翳河兮導復疏九曲來萬里叶 并川

千百渠其流誠匪易黃金河之上天池黃金色叶探源可治  
流惟

德馨乃致元史星宿海始見名弗異爾雅崑崙虛色白殆漢

臣謹按張騫傳窮河源天子名河所出山曰崑崙云則爾雅河出崑崙虛色白已寔入漢人語至于東北隅莫證恐猶

山海經云出于崑崙之東北隅實為河源則又沿爾雅也今說皆以元史所窮星宿海訛譯曰火敦腦兒者為堯但元史地理志僅得星宿海未至星宿海以

上遠藩僻境收新蹟靈源示河寧萬福同

天賜賴

君賜

曹侍講仁虎招同曹少卿學閔張侍讀燾程編脩

晉芳陳編修崇本飲

頻年既于役內直況有恒遂踈城南侶莫得好會徵鬢霜已  
如許實賴同道朋周旋幸相假言笑尚克承少卿昨見客庭

礪石齋詩集卷四十六

七

院瓜蔬賸君家汾水陽野興乃爾憑今朝錫壽堂易主凡幾

登黃花後軒列返景西偏仍停觴亦非醉攬緒忽在膺雙童

但解事捧硯張華燈自朱學使竹君後後及今秋稍涉文識

補作重陽會於獨往園

西城霜信發林皋南市津門到蟹螯三日已愆仍此地十年  
常會屬吾曹青山閣上吟猶健紫塞歸來飲更豪俯仰不知  
身是客相尋何必為登高

對雪

梅花柳絮不同時臘近春生又見之歷落每成高樹戀飄翻  
如解故園思風前尊俎禁雙鬢月裏山河徹四垂開拆海紅  
窠石畔水仙作配趙昌知

上書房詩課盈冊和作三首

詠雞缸

金缸疊白玉缸千只欠成窠畫彩鮮芳草鬪雞春興托新城  
秀水舊聞傳萋逃江漢閒游女淺落清明劇少年今夜一杯  
歌一闋白頭起舞雪花前

太平鼓

輓得圓捲繭紙輕左持右擊伴童嬰喧如答臘高低節響徹  
榭榭內外城白索戲連仍習俗唐花催徧應升平那知燈市  
今年盛燕九前頭不住聲

雪水

陰凝為雪消仍水商畧春芽別有情耐冷非夸陶學士歸真  
不幻耿先生何妨品落山泉後張又新記雪水第二十政要詩隨石鼎成歷  
遍掩梅三百本冷冷澗道汲來清

蘅石齋詩集卷四十六

八

次韻奉答馮相國十一月晦日雪保定見懷

暫鎮三持節新吟六出花金臺梅信未白髮墨行斜城靜如  
聞展堂湊已放衙座中應有士知不相國奉命僅劉三攝提督臣隸義

酌查大中丞禮同曹侍講仁虎陸大理錫能集程

編修晉芳齋

今夕相呼醉尚能蕭寥容易見飛騰銅街訪舊為歡暫巴徼  
從戎出險曾開府勲名自青史鄙人心眼只紅燈湖南歲稔  
宣醴化岳頂雲收拄瘦藤

蘿石齋詩集卷第四十七

秀水 錢 載 坤一

癸卯

三月四日清明石安門南甲午修禊處感朱學使

筇

青山忍思歸白髮猶戀恩出逢播間祭適趨海子門已催路  
柳色未回沙草痕舊遊旋軫係獨佇橫襟煩瞻林有斜暉藉  
地無清尊方橋自挺挺曲渚還云云降才良不易績學尤難  
言中道失斯人真宰知其原淒淒此山陰漠漠彼蘭蓀和風  
亦相煦落英徒爾繁

歸舟述四首

際

蘿石齋詩卷四十七

聖援於衆被

恩休以老微軀曷堪勝迅辱徒自保

帝德大日新化成隆久道晚達受

鑒知

庚子冬被  
錢載本係晚達

吉

陽春備小草報答寧有待科名雖不早今

猶叨

雨露未卽就枯槁

徒叨

主上恩實闕進退思七閏十九歲一日十二時豈無一刻心  
豈無一事知迂踈偃仰謝薄弱蹉跎隨古賢傷不遇遇矣今  
何辭不能由自棄自棄難有為

依依不可釋切切何能攄夏病秋發舟水逆風鳴渠棗熟山  
東晚楓落淮南初迴瞻北州郡一一遠以踈毛羽且知報鬚  
蒼羞弗如 禁門闕五更冬雪徒冠裾

來年

翠華巡江國方六度三月嘉禾

臨十日

聖因駐願如滌湖水復似蘇堤樹碧瀾承

御舟金縷翹

輦路臣身及蕭衰臣心比童孺切切重依依仰

聖感深遇

蔣侍郎贈益桂舟中盛開

放纜隨千里分叢及二旬都將心與送凭以夢為因露曉曾

添葉根盤不受辛裴裴受辛益醉  
李宜石盆句故山天意厚芝菌靜相鄰

東昌待牖

汝來須不淺銜尾度糧艘晚飯黃花菜秋風白氎袍歲知東

擗石齋詩集卷四七

二

郡稔天仰北辰高有慶瓜低蔓河渠伏故槽

李海務待牖鄒給諫夢泉歸舟至奉簡

司業好兒郎黃門合返鄉餞余纜隔月請假忽連檣津吏開

三板秋鴻去一行東林如可訪短杖卓苔蒼

白髮

白髮何妨有丹心不可無功名豪傑事道德聖賢徒枕上蛩

聲亂村邊燭影孤悠悠滾自恥莫喚挽船夫

賤日

賤日難家室高天及子孫幾曾襄大務維是荷深恩 絲誥

山陲壟秧疇海畔村來生安可必補報矢空言

翰藻

翰藻誠無益乙未六月蒙  
上兩及之 恩召見于山莊 日詩文竟無極 恢張况不工人才

隆世道科舉做儒風孔子尊三策班書贊數公自聆  
天語

聖方企德先功

先壟

先壟山臨水高松露變霜掃除幾積蔓跪拜孰銜傷殖穀農  
斯上瘠官士豈良縱多陳楮鏹難一告幽堂

九曲

九曲灣濃土一隈諸兒葬母未成堆他時蘚碣題同穴去歲  
邊鴻寄永哀詩卽淵明難意表人非元凱有將來奢心松栢  
連楓櫺近墓添教兩樹梅

謝鄒給諫

纏綿誰說萬緣空寂寞惟愁兩耳聾補以三餘追季直加於  
韞石齋詩集卷四十七

三

六悔拜萊公穿渠汶水今秋淺待牖檣燈昨夜紅多謝道鄉  
賢後健隔船餉鴨使餐風

孤坐

百福巷將見宣南坊已辭兩頭兼所係一念鎮相隨孤坐日  
淡照長吟風緩吹飽餐還斷酒傳與子孫知

早起

遲眠非不許早起更無難盥嗽心先洗爬梳鏡只看神靈一  
芻狗日月兩跳丸來去終成有當前本是安

攜歸

攜歸晚香玉伴得兩丁香南國遠根從西村新族昌將種之九曲  
裏之西舍  
紫荆遍生意雨露有恩光如在鳳城日葳蕤皆馥芳

復述

初辭病葉難忘本已倦昏鴉合返林家事漫隨羸了定  
君恩常到默思深申祈

天慶綏于萬普界民豐永自今盆桂船窗歌數數岸楓村旭  
伴駸駸

城裏

城裏明明徑堂前歷歷塵親朋自童稚翁媪到鄉隣曉井嬉  
擔水霜街叫買薪似聞盲嫗病九十歲過春

張嫗三首

方嫗侍先妣所生于世辭傷心一棺側抱我六齡時弟妹連  
年歿歸休獨向悲蒼天俛難老子女乃無遺  
汲井晨扛共關門夜楸同父遊兒塾外母代婢厨東家已珠  
兼桂天幾雨又風回溪堂上教應尚記先公

蘊石齋詩集卷四十七

四

衰年七十八嫗長舊人存竹杖扶教緩繇衣著使溫慣勞身  
故健多淚眼先昏見日如追昔心傷媿更煩

憶西湖

斜日輕風燕尾船桃花楊柳六橋烟人生百歲常難得天氣  
三春亦偶然驚代麒麟眞畫閣戀恩鶉鳩孰題蕭鱸香蓴滑  
元相憶不見西湖廿八年

明年

上馬非羆虎扶犁必草萊寂寥三寸管惆悵十分杯韓愈詩  
中蝨陳搏坐處灰明年東海上九日獨登臺

邵輓馮相國

早聽詩名白下門晚躋政府數相論風期澹泊平生事夙夜  
虔恭

主上恩花落北城淡臥病雁飛南國遠傷魂去年猶補登高  
會何日重尋獨往園。

憶檀欒草堂海棠

滿意看花病主人門淡院靜不開尊風簾此際莊生蝶薛砌  
當年漢相茵七十已過公更長畫圖雖在樹休春當爲之  
寫影傳將  
一掬無情淚灑與芳根散六塵

開牖

橋燈自相引牖吏亦何求節水回南漕愁風上北舟魚蝦前  
路賣梨柿遍村收李海務邊好孤吟十日留

馮編修敏昌銘端硯二伴椰杯二贈行卻寄以謝

編修欽州人一銘云筆食葉名山棠一銘  
云水殿之璞匠琢之以任吾師書畫詩

千秋已失九秋又六絕誠難三絕無北壁石誇南壁石人心

礪石齋詩集卷四七

五

珠勝海心珠後先鄉里瓊山起左右衰遲壁友須椰子一杯  
花萬樹明年春好在西湖

食芋

早薑水則芋喜得煨爐頭那必三年采諒云昨夜收種之根  
淡澗澆之涓涓流鋤之草莫生我本齊民優田居九曲裏雨  
移千竹修其陰樹短籬其下開長溝雜以慈姑屬連以小畦  
儔葱本韭薤區蒿芽蒜葵稠可食皆名菜從茲不外求霜果  
况早摘春醅亦已斲天晴出孤筇村近尋鄰叟多謝兩黃鵠  
歸歸行自謀

我鄉

口耳追前哲山川若我鄉正惟多德業殊不少文章逝矣顛  
毛白歸哉落葉黃平生無一可長水自言長

淺

一水分南北千艘視疾徐秋風戴家埧白老宋尚書長紵盤  
多力輕篙拉弗如泉源應偶短向亦歲濶疏

歸興

睡時不肯老如何衝曉張帆興且多斬口村聲連雨隱鄆州  
山翠拂窗過大樗漫托莊生社春夢休煩學士婆後牖已開  
前牖放吳歛一曲近鄉歌

斬家口

叱犢呼雞野色蒼斬家村小夾河長髻絲三十年前客堤柳  
陰陰尚未霜

出山東牖後寫望

天依山色平遠樹到春光二三雄鴨頭波畫舫誰能不愛江

蘄石齋詩集卷四十七

六

南

清口

乙亥冬經北寒風此乍歸簪裳虛十閨城郭有雙扉頻歲咨  
淮甸安流照

帝暉車螯如可買何必鯉魚肥

過露筋祠阻風夜雪

纔得北風利風號不可行祠荒村黯淡水急樹縱橫夜雪聞  
來驟家園積已盈歸心向江口寒柳認蕪城

野泊

左環江海右河淮白髮烏篷滯一涯大野狂聲風不定長空  
寒勢雪相偕薄他明遠難行句謝爾柴桑獨往懷天地高深  
須警策梅花好自傍山齋

草堂

山展茶瓢半有無老梅寒菜未踈蕪十年夢寐先人墓萬里歸來不肖軀北巷蟹行橋水縹南鄰銀杏樹霜枯 賜書  
賜帖憑開展聰聽如何勉令圖

甲辰

西城錢園祝氏買之雍正乙巳後故人文酒於此  
蓋二十餘年今唐侍御買之過而感賦

名園有主逢三易殘夢非癡更一來綠萼已枯猶臥薛白頭  
相見且銜杯鶴洲廢定荷池涸倦圃荒應竹徑開扶石分泉  
成卻掃當年借作讀書臺

題石鼓亭

貢于國庠張氏燕昌手拓石鼓大成門旁持歸鹽官考校模

摩石齋詩集卷四十七

七

刻作亭覆之書堂之側同郡錢載為題其梁乾隆甲辰冬月  
維陽

乙巳

泛南湖

隨意江濱與海濱今年春似舊年春幸蒙一 詔恩歸里敢  
以連章乞得身缸面甕頭唯對酒柳枝桃葉不須人東風好  
自吹襟袂覆載含容感極真

曹明經秉鈞貽漳蘭蕙有品字者并以紙屬寫而

題之

小巷坐思山雨涼幽人來挈瓦盆黃七閩隔海帆加駛三點  
成伊佛散香宣德紙膚瑩可愛鷗波亭蹟妙難方獨頭是一  
雙頭二對此且誇陳夢良

漳蘭以紫花之陳夢良為  
甲其夢多至二十有五

里中

里中朋友兄憐弟泉下朱陳祝與王甲子已周真破夢雍正乙巳定交

載年最小今重經乙巳山川猶是獨歸鄉身如客舍歌三疊事有才人淚兩

行南郭明朝攜酒去過橋幾樹舊垂楊戊申嘗集彪湖南煮茶近處朱君之偶圖合鈔五家詩為

一集曰南郭新詩

贈吳明府懋政

晚達幸同燒尾宴先塋俱在永安湖君為廉吏還司訓歸以

惇師徧學徒貞肅祠堂今代及先太常公貞肅并香火田七十畝文章軌範

近來無君近有天崇百篇之選登高插菊年年事海上青山兩杖扶

世錫歸

空疎媿亦玷清華復荷

君恩得返家珠桂力將妻子勉丹鉛心共弟昆加種桑後圃

擇石齋詩集卷四十七

八

勤除草栽果前庭緩著花犬馬他生難報答駟篇那不做無

邪

擇石齋詩集卷第四十七

擇石齋詩集卷第四十八

秀水 錢 載 坤一

丙午

蔣明經元龍食楊梅頃以紫液入幅成木芍藥花  
兼取庭草汁作葉吾家文端公首題之裝卷二十  
年色猶不減屬詩於未

楊梅子幻魏花香草汁還添葉短長畫者何人大游戲書家  
聖處本顛狂竹頭木屑非無用西抹東塗儘擅場我欲生綃  
開百朶摘來五月飽君嘗

獨坐憶故人

更無剝啄自書堂纔歇廉纖又夕陽何處幾家京洛舊酒邊  
燈下歲時長重重入夢誰歡噓一一沉泉獨黯傷西舍梅花

擇石齋詩集卷四十八

一

開已落杏花還與照東墻未句為故人之存者載猶相望也

陳太夫人魚籃觀音像

何緣觀世音而證是菩薩衆生稱其名苦惱卽解脫菩薩心  
大慈解脫速普施奈彼失心徒而轉苦惱爲像之或魚籃贊  
者宋文憲今瞻所提如敬欲一花獻早侍太夫人承啟堂西  
墻食貧畫以供補紡印尚藏喬木半邏村祖澤遺忠孝賣畫  
米斯買養先後則教康熙己巳冬莊嚴相適成其年歲三十  
懿惟庚子生文端生丙寅是年方四歲敷榮子逮孫左券艱  
難際乾隆丙午夏墨采將百年載年七十九媿莫振我錢母  
德

聖王嘉屢詢

召對及常時輒不怠萬感茲辰集五香根再薰一句一見心

申讚太夫人合掌觀世音

題蔣明經元龍戴笠圖

羊求徑外遠清渠，囊毅堂東問舊廬。  
越俗擔簦聊復爾，蘇公着屐定何如。  
流傳詩句惟搔髻，教授生徒不曳裾。  
好在奎章羅帕上，江南春雨杏花初。

君宋並項襄毅宅自號春雨

百福巷作

乳雀庭空迅暑遲，綠陰風動葉翻枝。  
自傷晚達難驅策，實感深恩有鑒知。  
一屋便安忘歉歲

三朝生長報何時，遠書孤姪山東至。  
苦說河南接壤饑

春花好

吳諺以蠶麥及菜苳子多收謂之春花好

鄉農入郡喜云云，菜苳先收已十分。  
蠶熟底妨桑葉貴，麥香行覺稻花聞。  
種田厚水民恒業，平糶寬租歲

擇石齋詩集卷四十八

二

聖君疊布

詔恩

蒼昊答愼司，能不體憂勤

縣南

縣南澗巷有微霜，隨意寒花着小堂。  
日在師孃橋外住，不知宋代鄭師孃

永安湖坐雨

湖岸有山難力登，海門矯首陽烏升。  
白梅花照青松樹，狗毛雨生雞腳冰。  
薄酒何如千日釀，短筇不及萬年藤。  
悟空寺遠鐘無響，支傘猶來乞食僧

永安湖北岸守先墓人獻大土地

郁老造新屋，越歲祀神爾我來。  
丙舍脩雪風歲暮矣，當門宰

猪羊呼兒捉鷄鴨春林酒已蕩灌畦菜方甲小除前二日燒

紙來鋪陳

天俗男巫謂之燒紙先生

几筵高及下像設卑自尊北極諸天供弧

南一星真補陀釋家佛武當道家神近海海入江海潮稱之

王赤兔馬壯繆鐵如意文昌施相公助運元總管隨糧元壇

方聚財猛將方驅蝗簪花方太歲秉笏方城隍三層森羅儼

兩牖悉數遑土地末坐陪牲醴大報穰爆竹轟雷爆香爐滌

雲香廊陰縛草船牆偶焚紙錢紙幡紙旗立紅燭紅燈然五

穀金橘雜雙龍粉資權我昨那城攜水仙勝枸櫞瑠盤登枸

櫞冰盜麾水仙唱讚長短申侑歌童叟續畧同鼓兒詞猶是

海鹽俗詼諧神其欣傳會人其欲拜跪倦頻更婦姑忙督促

辛夷楣蕙楊雲車方風馬煜煠青有光翩翻欵來下庭喧雪

急灑厨黑甕煖烝先生首厭飫老子旁懵騰螿蟲螿竟可睡

稗石齋詩集卷四十八

三

蛇睡最能擁被既夜盡披裘復晨興郁老謝先生望之去若

騁麻串幾佰錢篋籃冊枚餅來年祝屢豐作社勞重整非贏

渾舍喜且賺比鄰請醉不送神舞醒爲娛客歌鹿山右偃蹇

颺山左巍峩湖心亘一堤柳絲蘸干波清明上塚好穀雨采

茶多勤儉太平人我歌奈樂何

山中除夕

杖鄉杖國欠飛騰八十明朝柳栗鏗山擁東西錢氏舍湖收

南北郁家胼僕酣與勸椒花淺僮戲看燒蠟鳳燈離郡扁舟

何太久祀先都付子孫曾

丁未

山中元日

梅花農舍卽吾廬人事鷄鳴各有初天上朝正心揔繫海濱

開歲髮還梳先坐山勢雲連合神道松林雪密疎逢着新衣  
笑相賀定無名帖答能如

新年出遊

舊年已去又新年去舊來新本適然天地遽廬非傲吏二三  
鄰曲自斜川衆山漸綠全消雪叢木方春半帶烟窈窕崎嶇  
無不可蹒跚着屐或之先

尋野梅

籬落微茫幾樹梅不扶童子獨尋來一筇老矣松坡雪雙屐  
傷然石徑苔相對早春惟淡泊無言盡日與徘徊山空到此  
知茶味香遠從之謝酒杯

見野梅

扶杖侵寒獨向春淡雲疎日忽相親穿籬枝折多經雪傍磴

蘼石齋詩集卷四十八

四

花開不爲人下有江蘭亦香草夜來明月是前身盤陀石上  
莓苔坐未許襄陽畫幅巾

仙掌峯侍御先公書堂

天目蜿蜒鬱以舒南龍九十九峯初屋於高處非忘世志欲  
終焉此讀書冰雪衰柯晚鴉護石泉荒蔓老樵除寥寥陟降  
皆遺跡欲問無鄰歲月疎

吳家梅

九杞山灣墓樹叢前朝給諫許封公岡南磻北晴吹雪村口  
籬頭曉綻風自有兔園連玉砌不妨烟舍近牛宮今年花好  
田都好杏白桃殷菜麥豐

詹家梅

胡詹兩家山一隅西家梅種胡家無澗東泉放亦何取籬畔

德隣良不孤嘗拜詹翁春九十復來錢老雪髭鬚搖搖風竹  
難誇勁的的冰花可讓癭

將築萬蒼舍未能先語鄰曲以概其樂

外人相問莫相誇丈亦安知屋上鴉姑射本來非處子元真  
何處有桃花高天厚地常三祝南陌東阡共一家月出不聞  
山犬吠腰機燈火織纖麻

紫雲山

唐代記耕女紫雲常覆之入宮非艷色賦命偶應時王者蘭  
生谷騷人木有枝寄言與兒嫂轅金亦何爲

颺山

颺山石馬沒燒芳太息人間感易興踏遍咸陽春草路長陵  
拜後拜昭陵

山有宋常家墳瑞明殿學士吏部尚書楸之後元  
楊宣慰墳康惠梓也今石馬一不知誰家墓上物

葦石齋詩集卷四十八

五

西澗尋梅

鄧尉梅花尋未得西溪梅樹未能尋山中老屋雪還雪激上  
新年吟復吟豈不參差如窈窕曾非蒙密且嘔欵寒香何有  
蜜蜂出初霽復來松砌陰

峭寒

峭寒山寂寂薄日天陰陰人家炊烟起散入青松林

山中元夕

鳳城燈事樂無邊車馬南城趨少年迴數風光猶健在得歸  
田里此歡然湖濱翠黛如相笑海上銀輪第一圓長記螭均  
簪珥日殿頭幾度侍瓊筵

郁家東舍作

多雨少晴風雪加隔歲來伴老梅花青田語隨桐壽記仲瑛

詩任廉夫誇四圍山起大湖麓九里城低東海涯村落早春殊自在高林霽景照農家

憶雍正庚戌八月偕王五入萬蒼山延覽諸勝約結鄰西礪

曠然百年感誰為總角交里閨有志業往來惟寂寥秋雨亦山屐松風亦山椒嘗立鷹窠頂同觀大海潮古賢抗長策茲日付濁醪莊子德克符旅人後號眺晚焉成進士暫爾官刑曹養親歸乃瘁衰絰殮荒泉渺然為位所法源之僧寮西礪此泉石無人永夕朝

憶辛亥春祝大偕余至其袁花故居余先入萬蒼約祝大來山同過稷日

袁花君舊里春賞同山船君里石山近我山東溪邊騁懷秦

摩石齋詩集卷四十八

六

皇橋濯足滄海壖學道終有得入世全其天同郡多俊彥數

子相周旋風悲盡黃壤淚下如流泉所極不念者吾未明府偶圖乾隆己巳歿於江西陳明經乳巢于涿州中書老不第落塵網牽琳宮哭君殯念德成千年一

子才遄逝諸孫稚必賢吾生行已矣陳迹徒悽然

拜族祖施南府君墓

府君器我幼相好歷萬端化民輒以德拙宦何汎瀾先塋自明代面湖曰永安新阡澗西密連麓春陰寒先君墓在東明月夜未闌平生一楸坪松下時盤桓皇華道荆楚所去思罔殫遺民秦隴山豫章高下灘蒼石焚冥鈔聾耳鳴哀湍同心數子盡府君知此難公先與宋明府偶圖陳明經乳巢祝典籍豫堂友善雍正乙巳歲年十八始與三君同所講習今拜公墓

回湖六十二年以來萬事蒼茫矣

食銀魚

二寸魚何小千絲網不空多煩正月雨早送半帆風鶯脰誇  
諸港梅花伴一翁糟牀聞已醉太覺晚庖克

修湖天海月樓將成

寄於郁家爨修我丙舍樓山麓萬松翠祭田今歲秋肯憑友  
書遠歸頰

王恩優老得手相理宵爲興且謳

溲浦績麻曲十首

浸麻方績麻績麻元是紵大則養蠶孃小則采桑女  
一絲續一絲論筐不論丈切莫亂絲頭何如紡車紡  
采葛婦如何葛單風自古績麻不婆娑乃復有溲浦  
若無紵擘指那得腰張機若不買絲去那得賣布歸  
腰機立兩木生經去轉前軸後軸坐縛腰下蹋上抽速

蘄石齋詩集卷四十八

七

海灘晴曬鹽夏月勤種田復得腰機織男兒當有錢

春來不忙多績麻田家女兒雙髻鴉山花插髻且須插不采  
菜花蠶豈花

春來忙也揔隨孃一年績麻那必忙紅襖青裊齊換了觀音  
山北喚燒香

績麻有女織機男溲浦腰機他不諳大半木棉勝得繭東南  
女手卻如蠶

棉若紡紗寒布多麻如不績夏布何浦上海頭傳唱去腰機  
歌是績麻歌

雲濤莊是許黃門所築

書愛十年讀逕爲三益開惟應朱朴至或是董澐來松色近  
先墓鶴聲留廢臺杜家灣窻窻合抱見楊梅

楊梅樹一株  
三百年矣

金牛洞

廟訪蘇驃騎洞傳臬伯通鳥非無杜宇國實有蠶叢

鷹窠頂下孟姥泉

絕頂勢盤鷹曠臨滄海青上為九曲逕中有三休亭灌莽雲  
泉漢松篁雪瀑聽幽人時一至相品汲雙瓶

小桃已作花

雨飄岸柳綠匆匆日出村桃破小紅知否宜南溪巷裏每嘗  
把酒祝東風

延真院楊宣慰家梳粧樓

激浦城何小延真觀已空松飄三角髻磬定十樓風雜劇元  
人擅新塘海船通薜壇荒且寂祇益晚濛濛

里呼十間樓尚存

吾廬

摩石齋詩集卷四十八

八

吾廬寂寞亦寬閒相隔杭州百里間午浦連村塘路轉上虞  
對岸海潮還今朝一杖看花出昨夜雙扉聽雨關此地坡公  
曾不到漫言看盡浙西山

菜花魚歌二首

一湖南北兩湖長水網牽還岸網張燕子飛來山筍出菜花  
魚上菜花黃

巨口細鱗香比鱸也名土步出西湖貓頭筍更松花葦未嫂  
羹湯定是輸

南山

南山翠起沃焦頂西澗清流盤石坡竹樹田園都若此耕桑  
兒女復如何四周阡陌西湖少兩境魚鹽大海多丙舍關門  
任風雨焙茶燒笋一春過

捉白鱖魚歌五首

捲竹結紵網似兜竹竿湖面插成洲一繩纏毒竹着湖面拋  
攪着繩洲動浮

載兜划艇晚來風結網如兜十百同蒞草撒兜魚未出恻然  
山影落湖中

白鱖立夏肥且長生子夜跳湖面涼極樂近依洲草戲不知  
滾入網兜藏

竹竿嫋嫋繩是洲記拋一一網如兜五更划艇沿繩去兜裏  
魚多倒籠收

倒籠魚多動十斤偶然空網水云云賣魚六里堰初曉買米  
永安湖未曛

嘗從

葦石齋詩集卷四六

九

嘗從老虎石邊瞰轉入黃沙塢裏遊曉山杖已愁芳草路野  
花還壓老人頭鶯聲滿樹堪攜酒春水如天好泛舟卻向湖  
西望殘照荻芽一片綠前洲

西磻五絕句

磊落石數堆曲折泉一脉待誰書屋居荒哉此泉石  
松聲寒坐石竹影靜觀泉人生亦幾何陶公三十年  
豈有不相思相思復相憶西磻古迢迢東風今側側  
磻上松萬株桃李松陰開不如辭磻去那必問磻來  
層陰樹挂壁一碧石流灣磻上數歲年時褒谷虎頭關

摘茶

蘿葛漱山邊分明穀雨前滿籃雲氣馥兩指露光鮮東麓花  
婆井西崖雪竇泉總來初焙後已聽竹爐煎

松花葦

茅草千山薙松花萬樹吹濃霏晴粉落鮮挺腐英滋雨露元相發根荑各自知盈筐猶帶濕入饌已餐芝

金粟寺

松檜蕭森影高高怖鴿翎碧山周六里金剎越千齡天冊吳碑目熙寧宋藏經余家收有熙寧藏經半卷尾頁款云大宋熙寧十年歲次丁巳十一月二十六日起首勾當寫造轉輪大藏賜紫沙門人問多變滅東望自滄溟

哭姚侍御晉錫

入山甫隔歲返郡乃哭君藥餌荷見遺七箸猶餘芬師門早懷璞館課先策勲薄遊偕鄴杜壯節立霄雲廿年遂林棲雙扉絕垢氛幸有先人田無曠子孫耘我歸益相好屢示近所文究極皆本原非惟討幽紛鄉賢企逸叟妙墨儲新芸同姓

華石齋詩集卷四十八

十

可追配後來必流聞畫冊屬未竟抱恨老不勤世間成此缺淚落復何云酒漬空尚陳日斜那共曠人生亦各偶道在輒以羣城東青桂庭忍更蹋薛紋結念逢吉壤慰君起高墳

南湖泛飲

燈藥開花昨夜紅畫船相喚出城東鶉鴝聲散村村雨楊柳樓高面面風蒼舊傳尋鴛渚社浪淘沙唱竹垞翁天涯芳草歸何定長此尊前一笑同

校王五丁辛老屋集鈔本寄還其令子攝知縣事

復於鄢陵

法源為位卅年將衰經秋原痛所藏君之歿封君之喪未終治命以衰經殮後世相知定誰某古來不朽豈文章之官有子駢緘懇同社惟余既髦強蝴蝶芙蓉何處是三生石上月全荒少日嘗同偶園乳巢及君飲于祝大綠溪莊薄醉而

荷君乃夢人贈之詩云携君入座愛君才畧語三生庾信哀溪上小軒題夢綠那  
年春盡見君來君於是賦句云芙蓉別後應無主蝴蝶飛來不記誰後見張孟兼  
有夢綠軒詩溪上綠陰幽草畫中春水人家何處江南風景鶯啼小雨飛  
花所謂溪上小軒者非耶今年八十猶爲說此而瞻昔親交無一在者

揅石齋詩集卷四十八

十一

稗石齋詩集卷第四十九

秀水 錢 載 坤 一

戊申

上元雪

向晚霏霏灑曲楹  
油燈一穗雀門清  
暑無簫鼓鄰家鬧  
初得歌吟獨夜成  
蘭草徑山僧不至  
梅花鄧尉舫何憑  
海天松麓先瑩靜  
郁老思余在郡城

寶澤堂花木

卽次嬌文杏從容艷  
海棠玉蘭宜月上  
金粟待秋涼最以堦  
堦近兼之雨露香  
客來淡巷裏任喚讀  
書堂

觀徐石麒印

尚書名氏見昂章  
望古無爲後喬傷  
已賣賀家橋別墅  
人間

稗石齋詩集卷四十九

一

三字可經堂

到墓屋九豐堂

郡城廿里着溪林  
九曲灣灣水到門  
春物儘隨新歲見  
舊情安得故人言  
親朋是事淒都斷  
田野經時媿獨存  
窗外梅花今夜月  
此生惟有感恩君

恩君

九豐堂

歛扉鄰曲日相陪  
顧陸聞人自草萊  
村北領陸吾郡東吳時  
姓村西聞人宋代姓  
西舍不遙東舍近  
梅花初落杏花開  
鬲泥擔糞看齊出  
葱本桑秧買旋栽  
將及春分前夜雪  
早過驚蟄一聲雷

癸卯蒙

恩歸冬十二月十五日克葬張夫人于九曲裏之原預營生壙戊申載八十有一歲而復

爲之詩

克葬少相答預營初不奢山松及梅萼籬槿又蘭芽同穴如同室我家本汝家賤身安有此長以  
主恩誇

永豐鄉

欲白玉蘭藥未黃金柳條永豐鄉裏舍九曲港前橋寂寞何寂寞逍遙且逍遙曹王廟相近可有賣錫簫

喜聞王師大捷臺灣賊已就擒

神畧多勞

聖主心海疆又捷武功音遙飛檣艣加籌算迅戮鯨鯢悉縛擒四境豐年閩浙邇萬方壽域福威潑春風息息羣生樂紫極巍巍大德臨

稗石齋詩集卷四九

二

欸村老酌

蹒跚欲去罷攜筇剝啄能來滿笑容海靖游氛翁定曉人多喜氣盞須濃梅花自伴微醺暖白髮何辭久坐慵祇向太平尋樂事諸餘瑣屑不關懷

叙村老話

盛世吉祥多善事乾隆五十有三年從茲

聖壽齊天慶

見上重華協

帝篇溪鳥溪花聞此語村童村女早相傳永豐鄉接都豐歲芒種時催快種田

墓屋東生壙後隙地種桑秧三百本

築以他家丙舍方寬然草墅未蒼涼差羸庾信兩三竹難較

成都八百桑春少雜蔬備力嬾老多靜坐日程荒  
堂中鄭籬所分書五畝雜蔬五畝種竹半日靜坐半日讀書之楹帖汪碧巢家遺物盈籠探向錢家墓我亦何知蠶事忙

顧老送紫藤三本輒作歌

北浜顧老解人意手掘紫藤艇搖至屋西苦棟風榭杈婁絡一本催之花兩本紆威走虺蔓齊收鹿眼新籬色紛來增添極點綴大不率畧殊奢華吾生此花弱齡拘裴島高樹晴粧斜京師卅春花幾架呂庭蔣院馮君家馮家海棠蜀府冠錢老粉繪徐熙誇朋箋北苾半寂寂秃髯南國空嗟嗟藤今吾有憑相屬花定如霞更如玉非關顧老惹成愁祇願花繁看到足

九豐堂二十四韻

白苧邛墟近青林坐臥頻市囂吟趣乏野曠俗情真鵲口柔

蘅石齋詩集卷四十九

三

開未桃花水到新長閒長一日獨樂獨三春粟里陶非我襄陽孟有鄰劉盧如顧陸嫁娶並婚姻禮樂文章世耕耘紡織人形骸勞則壽萋稗熟於仁半邏連先宅扁舟趁令辰戴公鸞試聽謝女絮隨因上冢當時記歸田着處親泥孩賣村廟盃玻卜叢神海岸鷄聞越山區馬駐秦墓松依逼臘城雨返經旬小巷拋岑寂溪溪就朴淳不知扶杖手猶是入朝身際聖天方午登科歲在申晚榮心摠赤今落髯空銀丞相  
 衲衲曲豐臺芍藥晨貯瓶香影絕彈指夢醒均萬里行過半羣賢迹漫陳港流高壙結籬樹遠風振枝照仍呼盞英飄或掃茵莊周與胡蝶誰喜復誰愰

陸侍郎費堉杜過村居

橋邊輕舫水邊村雞犬寥寥靜不喧九曲裏家春夜宿廿年

來事 帝城論官階名第同差後兒女婚姻許是孫小圃梅  
花香兩樹滿窗明月一開樽

村居

村居誰謂閉門高夜雨憑添水半篙楊柳初絲亞文杏木蘭  
如玉照櫻桃王官谷小杯同注華子岡溪犬夜嗥短杖一枝  
扶便出西阡北陌又東臯

籬門

籬門開闔野田香楊樹灣東近漢塘曉露滿畦蠶豆綠晚風  
連頃菜花黃年光只有春來好日景誰知老去長村裏乞書  
尋乞畫白頭成笑不成忙

栽翦所種墓松

墓松手種四經霜擁岸周籬歲漸長陰茂土饅頭翠色花開  
葶石齋詩集卷四十九

四

九曲裏風香披枝擢幹先除蔓養稚摧枯勝斫桑翁仲雖無  
森左右楓杉行並出尋常

插權幾年舊冬織籬百丈春來栽野卉附籬都遍  
爰得詩

野外今栽有竹色籬根春遂寄叢花株株溪友村童送日日  
淡鉏細縛加條弱蔓修綠上壁薔紅藤紫爛成霞隸人也解  
非檜袞給酒何煩一斛誇

屢夕夢見故人

晴拓虛窗雨掩門梅花開落更誰言沉冥獨夜常無寤勞動  
諸君數見存何厭一塵生倦枕不辭千里熟荒村小童喚喚  
燈飄燼淒斷來覓條去覓

憶當年陳丈詩句爲寫成之

錦帶河邊嫩柳絲，寶花倉口夕陽遲。新愁不斷拋金翦，舊夢無痕上翠睂。付與虹亭傳本事，淒然鄭驛是當時。娑娑此樹何心賦，搖落今來合對誰。

南九曲

永光寺破宋朝名，舊址聞莊讀且耕。

開入

南港幾灣星聚落，東

風多樹鳥飛鳴。吾廬不遠斜陽見，野艇重來細雨生。吳下相

傳從假借馬蹄曾，向梓潼行。

七曲山九曲水經過梓潼神所居始信真九曲

家學士大昕撰廿二史考異先寄己刻史記漢書

兩帙報以四韻

困學前惟王伯厚，日知近有顧亭林。儒家獨起山川秀，史籍旁搜歲月滾。但乞遠書長隔面，勿言多病妄驚心。鳳城是事難忘記，蘭臭如君數往尋。

蘧石齋詩集卷四十九

五

小店

小店青帘又夕陽，兒童辛木也逢場。丁丁絃響村風急，灼灼桃開水岸香。富厚易傳蘇季子，是非難管蔡中郎。不成買醉欣然坐，搖鼓蓼蘼自賣糖。

水廟

柳橋桑岸復何因，紅色旗竿處處新。穿繭作燈村女獻，縛船將草野巫陳。農蠶往歲皆如願，土地今年倍有神。好及雨風寒食後，都來香火太平人。

九曲二首

九曲灣環綠浸涯，一筇才了髻髮髭。團梅南北半飛片，籬卉萬千齊報芽。落日松杉生壑聽，暮春錦繡鬼鄰誇。卻逢祭掃頻相問，隔水高墳是邵家。

鄧家水北墓徐楊今代叢叢異代荒鬼亦有鄰先問訊宅寧  
無廢後悲涼墻間本祭從猶愈上世誰銘闕不妨切被  
至恩難報答生存零落揔天光

朱老送小黃楊梧桐

趁雨移根太有情因緣觸撥劇分明雖經閨月嘗逃厄也向  
朝陽實幸生水北諸家多所致橋南數本又相迎種來他日  
看高矮好在春風自悴榮

北浜徐家杭州燒香歸送竹籃

西子湖邊路短長幾年不到問春光

聖因寺柳

行宮碧天竺山花佛國香憐得竹籃人賣處劇于蓬島夢飛  
將六橋桃樹開寒食瓜艇綠堤半夕陽

檀石齋詩集卷四九

六

清明

早起籬門卯色天犬聲落落鵲聲傳踏青人出村無雨上冢  
船回樹有烟海上遠山看此屋城南新火伴今年蠶花祭後  
忙催劇豆莢桑枝徧野田

禾俗蠶家謂蠶神曰蠶花祭必以清明夜

見村人去曹王廟燒香

柳長橋短碧溪隈白叟紅娃小艇催春社早聞村鼓賽廟門  
遙對海雲開功曹事有錢塘至武惠兵非越國來落日兒童  
應未轉竹笙吹得買泥孩

上巳獨居感舊遊二首

綠楊裊裊燕翩翩如此風光孰與論寶所山明堤上舫豐臺  
花麗水邊村長安不遠仍三月芳草難歌又幾番寂寂滄  
人未見野船搖過夕陽門

上巳已過寒復暄碧雞坊更樂遊原海棠三月一春好晴日  
紫藤紅藥繁天上不愁無白髮人間何苦有青尊試尋朱五  
槐陰院重叩馮家穀雨園

上張夫人冢

掃此新阡尚不難松遮高蓋下飄蘭子孫老幼輕船至風雨  
清明幾日寒奈榼踈陳君且笑紙錢焚送我旁觀先塋願徧  
澆秋拜倚薄筇杖且漫歎

泛舟

綠鴨波晴書催暖赤馬船輕人喚伴意行有路波搖搖路轉  
無心船緩緩朱家村西穀雨將山月涇北清明方麥苗沿岸  
荳花香菜花滿田水滿塘桃樹斜紅李花白參差楊柳灣寬  
窄灣前灣後園竹桑港長浜短墳松栢小店叢祠石橋跨三

稗石齋詩集卷四十九

七

間五間屋兩舍男但鴉鋤女但機春之社鼓冬之蜡海上遠  
山百里間山外隔江見越山槩牙蝴蝶飛相逐吹急東風又

一灣

村屋式多三間  
兩舍五間兩舍

至舊村

中錢望南錢一里接阡陌岸岸仍竹桑畝多荳麥南則臨  
江居中惟兩涯宅食德尚留貽歷年將四百先君持我來童  
子未五尺港北復港南樞衣拜著碩港南鍼線嘗港北酒漿

亦陳俞兩孺人

港南書畫樓從曾叔祖母陳太夫人港北頤  
正堂從叔祖母俞太夫人其時尚未膺封典

難忘壽提攜

劇兩房子也才所必振霄翮雖貧氣象繁於古禮儀適太常  
承啟堂講學聚縫掖三十六歸田廿二史垂冊雨風長蒿萊  
鼠蠹散經籍最後誰毀諸村鄰買柱碼孫枝速冠紳王路均  
世澤裔遠族憑收力稀心蓋迫 恩歸歲欲到獨老此尋迹

南樓桐久死拜石軒存石諫草堂又蕪半完圃何窄板橋立  
杖杆綠水飛雙隻腸廻甲子周淚落光陰客東西各村村本  
不一村柵諸房村塾師數處村扉隔先塋太尉廟三穴共松  
栢化城逮彭城松栢更叢碧永安湖上山大海見潮汐其北  
先墓林葱籠絡山脈考妣四紀餘附西安體魄塋城侍御藏  
子孫耐窳窳地皆百里近寒食挂帆席太常顯忠祠栗王夫  
夫拓蒼然縣城街過者敬無斃港南慶原堂勅詞用題額直  
諒多聞臣高楹照荒僻侍御繼太常璫燄擊克斤松溪令比  
還故明鼎已革村東馬家廟病遷易其簣祠屋鹿山摧天乎  
許重關諸孫郡城俱識字幾褰屐早圖熟蕘稗行徧寒絺絺  
同柯每悴榮旣富庶衰益先壟春風春先廬夕陽夕詩書足  
恒產仕宦慳長策無田今亦祭不善非可積如延忠孝家詎

葦石齋詩集卷四十九

八

慕文章伯少日先君言義庄傳在昔執鞭求豈膺從井陷徒  
阮俯仰重屏營吁嗟但衰白諺云近墨朱其別者黑亦善則  
雞鳴舜不善雞鳴跖苑枯必由根甲坼必由核我方多子孫  
披懷自申責

午晴

纖纖昨晚雨皓皓今午晴高天不如是萬物焉得生遍灑田  
畦脈齊舒草木萌有桑先飼蠶多麥旋喚耕雨今信我澤鳩  
亦隨其聲小堂見新燕幽谷思黃鸝籬籬吐薔庭枝已結  
櫻筍根出尚遲頗待雷車轟薄遊約南廟小船借西浜攜酒  
可滿壺頃僕來自城

欲歸郡城

野外誰云所得希空鈞并弗向苔磯春難不老花俱落柳亦

何堪絮自飛，男婦忙應蠶。月始游閑我，盍郡城歸多煩鄰老  
來相欸，且住荒村換袂衣。

曹王廟

橫港春暄進小航，雲風車馬望斜陽。杏開橋跨村團社，叟拜  
爐焚女挈孃連歲來稀收穀少。今朝歸卽養蠶忙，老無遊伴  
聊尋迹，定有神明也熟香。

訪故至鐵店浜東圩滙南三首

訪故扁舟東復西，朱墳倪宅攄淒迷。母家族黨心長繫，兒日  
劬勞口欲啼。水廟石橋存只冢，草廬花圃失何蹊。城南隨侍  
康熙歲，張嫗都亾落照低。

先夫人嬀張嫗以九十歲歿于乙巳春葬永安湖先塋後之東塢

外祖母憐生一女，先夫人逮事雙親，偕攜舅氏倪翁宅始見  
村天季月春高，絡紫藤環樹密，滾穿白練挺篁，新百年己分。

蘅石齋詩集卷四十九

九

成拋撇何苦兒時迹，併湮

暮雨無情送客還，廻船漠漠淚潛潛。老惟尚作錢家裔，兒實  
難忘母氏顏。承啟堂寒蝌蚪水，永安湖靜鶉鴝山。明春誓復  
依先塋，仰伴松陰定不慳。

朝晴

亭午門前望欲遮，雨晴晴雨樂無涯。村村綠靄桑榆葉，陣陣  
香風菜豆花。野老何知樂，

帝力春光最好屬。田家初抽蘆筍，將飄絮不礙南溪。又放查

至安橋張氏二首

石橋低低水溶溶，村宅依然竹樹重。外舅外姑悲未見，諸郎  
諸壻記相從。獨携密節桃枝杖，再展高原馬鬣封。乙亥春偕張夫  
人祭其先塋  
親故何人皆往昔，孫曾幾葉且雍容。

書舍多鄰午爨烟木蘭高出草堂樓見栽此樹方三月已過  
人間半百年雍正壬子冬婚明春始來安橋木蘭初種客去未逢花朵盛春歸難遣酒  
杯前常談八十一翁聽積善由來朝夕延

茶舫歌八首并序

袁方伯鑒屬題鴛鴦湖茶舫圖得讀其從兄明府枚之跋先  
生於載同徵又翰林前輩庚子秋金陵別後丁未冬見訪不  
值元年先後薦舉二百六十七人五十年以來海內公車故  
人意惟簡齋在矣卽事懷思能不憮然遂拉雜寫之蓋同此  
鄭重

拋卻西泠燕尾舫鴛鴦湖獨延緣莫沽蕭九孃家酒時出  
煮茶亭子烟

清涼山後阿兄題大令名看小令齊三月柳遮江路永十年

釋石齋詩集卷四十九

十

人隔夕陽低

簡齋所居曰隨園在清涼山後之小倉山

金陵城北話斜陽五十年來墮渺茫難得隨園秋水芙蓉  
千樹兩甌香

可待明年三月來便將小舫兩人陪湖天海月山無隔橋李  
城南稷飲杯

十里淺花雜藕花白蘋紅蓼碧無涯不妨甫里通江處且試  
端明給事茶

山杜鵑開穀雨新筍皮髻踏采茶人南高峯下初陽曉長向  
春遊記丙寅

姚家憑說米家同那必滄江貫月虹今日却成茶舫曲舊情  
須不付東風

吾家漱上茗花多亦有輕舫畧似梭攜得竹爐秋采去青山

擗石齋詩集卷四十九

十一

擗石齋詩集卷第四十九



0285

